


程



石倉十三代詩選

鷺池集

大明

新河宋登春著
後學曹學佺閱

林蕪感遇

周道昔淪喪鳳德遽云衰所賴二三子微言諒

靡藜聖代握元化人文粲葳蕤蒼麟在郊藪

朱鳥翔崇榱我后貴清真垂衣詢無爲廣成久

已去至道當咨誰獻首無亦何所水賦遊寒思

京風其二來

歷代詩選
胡馬客
涼風從北來騷屑鳴南林流雲掩徂暉寥廓結
重陰感時長太息矯首發孤吟河冰知路塞思
遠苦憂深疊疊行采芝悠悠念所欽

胡馬客

胡馬鐵連錢婀娜珊瑚鞭垂冠明月珠橫劍照
秋蓮笑買胡姬酒醉歌易水篇咄哉揚子雲白
頭守太玄

擬古送顧季狂遊襄陽

青春駕言邁江籬昂青英吳會有狂且遠詫高
陽生丈夫抱奇志豈同兒女行近情恐不任遠
懷爲物嬰南國無伯堯東海少田橫結交古道
喪感激何時平

孤學孤雀篇贈李山人

瑤臺有孤雀遠下玉山岑厭茲惡木枝結巢珠
樹林飢食青琅玕刷羽揚孤音仙人王子喬邈
迓論素心携手白雲間相知一何深解携在斯

須相憶祇鳴琴

歲日長平道中早發言懷

流目古戰場白日驚飈馳螭蚺挂虛牖寒瓜蔓
枯籬玄蟬傷白露青莎被脩池佳人理統素行
子心傷悲童僕嚴晨駕言涉丹水滑羈旅寡良
儔麗澤當依誰豈爲黃雀吟還歌猛虎詞利劔
恒在腕壯心安所期流景不可駐沈嘆將何爲
欲學騰化術松子久吾欺人生貴適志知命復
何疑

對酒留別榆關知己

促駕遠行邁迢迢事東遊紛蘭思楚澤結荷憶

吳洲嶇嶇遵恒麓迤邐凌燕陬所歷無停迹居
然隘九州投志在道義脫劔爲誰酬念子宿昔
交欲去復淹留

因并芙蓉篇贈西安黃孝廉

曄曄芙蓉花盈盈濯綠水素影漾清漪佳人乃
相似肯學中園柳漫逐春風起願爲並蒂花託
根碧池裏我本燕狂人而來偶君子匣中有寶
書礪礪心相許日暮望高樓含情不得語笑弄
黃金璫願言酬知己努力揚高翮名成訪綠沚

池中雁

林臥寡儔侶振褐臨清池露彩集蕙草霜華變
青滋翩彼隨陽鳥唼藻戲漣漪返顧患人指廻
翔稻糧羈冥冥逞長羽繒繳何由施伊余敦孤
性帶家終栖遲藜藿豈滿腹百年厭飢劬物嬰
因住念達生焉悵而

將之吳越別秦中知

寒亭嫋嫋紫蘭枝曲池兩兩鴛鴦羽鴛鴦飛去
蘭池空青山一別隔千里秦娥抱瑟歌陽春金

尊綠酒照離人酒清絃正苦腸斷不堪聞我有
相思曲歌竟恐憂君明朝又向東吳去含情結
思滿秦雲

遠別離

我出雪溪來梅花落湘楚湘娥忽而笑留宿鴛
鴦浦鴛鴦浦寒月照沙兩情歡極生悲嗟泠泠
逝水送月落夜長起坐歌蘭花

白石歌送吳允升

渚宮楊柳春依依麥城宿雨朝雉飛南山白石

何纍纍遠道之人胡不歸我欲念之心苦悲

再贈顧逸人

吳門豪客美且都十年負劒遊嵩廬黃金百鎰
俱散盡方衫阜帽行長途江陵帝子愛敬客旋
遺裘馬驅胡奴花前醉草三都賦肘後常懸五
嶽圖轉眼看天爾何有回頭大笑滄洲孤而今
恐有聊城急還留一隻金僕姑

薊門

桑柘兵殘後人家夕照中天秋沙雁滅月冷戍

樓空選將燕山北擒胡遼海東城南餘戰地燐
火夜深紅

春日野睡簡徐荊州

春問沙棠楫寒生杜若洲山雲巴子國江雨仲
宣樓歲月餘華髮飄零隨白鷗誰憐能賦客劉
表在荊州

昔賦紀南樂應教

沙市多新館章華餘舊臺細雲蒸岍柳殘雪照
江梅楚舞花鈿廢吳歛寶瑟催清尊宜落日作

賦子雲才

十二月還江陵草堂

昔別草堂在重來白髮新
曉窗繁自短夜雨榻
為隣猿雀識吟客琴尊宜
故人梅花還共笑不
厭野夫貧

村居秋夜即事

樹密多棲鳥池深足躍魚
江雲輕葛冷山月小
堂虛寒竹依蘭砌秋花映
石渠流螢何意思故
故遶琴書

秋日江村寄懷顧五

水白魚蝦市天青鸛鶴林
露華浥細草秋氣淨
遙岑子夜吳門調幽蘭楚
客心相思渺何許日
暮大江深

鷺池留客

園果風還落草虫鳴不休
竹深高閣冷花密小
亭幽白幘留雲鶴青藜狎
水鷗一尊同客醉不
用典吳鉤

寓忠教真人山房

窈窕白雲谷春枝秀幾華醉吟滄海月笑弄淥
江霞丹竈開仙館瑤城輔帝家何年騎白霍萬
里覓雲槎

送嘉禾張山人徵伯遊大梁

芳艸年年綠浮雲日日征兵戈遊子意桑柘故
園情賣賦金何有著書名未成時無魏公子誰
復重侯嬴

宋中送客歸襄陽

相送夷門道重過古驛亭南行春草綠一望晚

山青鄉夢梁臺雨羊裘漢客星鹿門今可問花

月正冥冥

泉下伊闕

岸圻臨無地崖懸欲墮空松門覆鳥下蘿徑野
泉通禹廟荒垣裏河流砥柱中樵歌起林末似
覓飲牛翁

天此春日登釣州西臺思登洲兄

晴沙初度雁春樹早聞猿野店人烟少孤村霜
露繁年華餘白髮棣萼遠青尊故國河山北幽

懷難具論

戊午杪秋示義兒鯨

天地羈愁客江山去住人悲涼十載事漂泊一
綸巾此日知吾老他鄉獨爾親圖南未可料空
負故山春
泉石元同調辭官幾歲華鋤雲開藥圃看月到
僧家詩敵雙峰迥門從五柳遮秋蘭自可佩何
必問丹砂

秋夜獨坐詠懷

露洒青梧濕天寒鴻雁鳴星雲搖海戍砧杵動
山城久客三秋夢懷人獨夜情故鄉渺何許華
髮歲殘生

荆州雜詩

惆悵荆州牧新詩此見招渚花浮落日岸水接
平潮寒雨沾玄岳春風試洞簫盤雲雙白雀似
欲待王喬

又

問藥過城府兒童晚未回雲深宋玉宅雪暗楚
王臺花發春猶淺樓高賦轉哀家家湘酒綠誰
爲一尊開

送周文美還海上

與君非宿昔同病卽相憐悽惻登樓賦悲涼說
劍篇客懷江路永鄉夢海雲邊遲暮身何有還
留貫酒錢

送俞山人還漢陽

落日下平原秋林白露繁獨憐長路客棲託向

誰門賣賦金何有還家舌尚存劍歌空自苦江
漢有芳蓀

贈吳門顧季狂

水落荆門晚風涼歲欲徂且隨梁苑客好著羽
陵書天地終懷玉江山未卜居何時結蘿薜同
釣漢川魚

贈賣藥焦老善奕

鬢眉七十強高卧水雲鄉還賣修琴藥常餘養
崔糧橘中無俗着肘後有僊方我亦殮霞客金

華訪牧羊

贈會稽劉世儒

劉生多氣岸負劍遠行遊
落日三湘酒煙花七
貴樓右軍白羽扇季子黑貂裘
我亦淮南客因逢桂樹留

己未臘月寄李逸人

天涯流落客歲暮欲何之
風雪主人少山村童
僕飢已敦實劍諾誰賦白駒詩
季子裘雖敝終看佩印時

蘇詩秋日上黨衛中懷故鄉知舊

白髮生青鏡黃花綻素秋家書無雁足客路一

羊裘海燕辭鄉社山猿傍酒樓誰堪回首處千

里暮雲稠

再示鯨

客夢苦難成鳴雞又及晨燕鴻驚歲晚越鳥對

愁新九月催寒葉孤琴伴旅人相看正牢落非

爾復誰親

山樓秋夜有所懷

旅宿燕關暮天寒霜葉稀涼風生夜榻客淚下
秋衣路遠鄉雲斷山深邊艸肥堪悽珠樹雀何
日故林飛

晚歸山寺

月淨花林僻琴清竹院閒幽蘭芳短砌獨雀下
空山鳥道排雲入松門映雪關兒童夜歸去采
得紫芝還

長安僧舍

種竹青門外分花杜曲邊關雲一以臥隴月幾

迴圓曉夢悲鄉樹秋風滿嶽蓮囊空金錯冷時
誦馬蹄篇

南遊別山東知己

池浸芙蓉月堂含松葉烟寒衣坐白石隔竹弄
幽泉客子玄洲夢佳人窈窕篇相思隔雲海秋
滿水蘭船

遠遊

寥落悲歌客金蘭遲美人湘雲迷五嶺關月度
三秦駕雀行吳市停車賦洛神倦遊思卧海垂

老釣玄津

晉陽山中元日

野老憐時序
壺漿慰客情
春盤隣女送
曉樹隴禽鳴
寒塢驚花色
窮邊聽角聲
他鄉逢一笑
更覺旅魂驚

春日遊太原黃崑寺

拂衣坐盤石
度水聽疎鐘
古殿依崑碧
山花拂砌紅
晴峰輝旭日
春燕浴條風
欲共巢松客
安禪老化宮

秋日登李仲培山樓

零落十年客
迢遙百尺樓
霜寒龍塞晚
風急雁門秋
獨戍三家市
長河一夜舟
村沽還可醉
相對有雙鷗

遊王氏郭北山樓

徑草連村合
山樓帶郭橫
開尊招野客
倚樹聽流鶯
露自花間滴
雲從石上生
幾迴漁篋響
素月嶺頭明

太暉觀晚眺

霞月生西嶺秋雲澹暮山鳥啼仙閣近花落羽
人閒白髮非生事黃金豈駐顏孤懷猶未愜長
嘯下松關

小築

杖屨秋來健山林老去偏野花踈短砌水葉滿
平田鷄大夕陽盡人家橘柚連江深寒小築棲
泊自年年

沙津送林孝廉還白下

爲送王孫去踟躕芳草邊鶯啼娃妓館花拂孝

廉船易醉金陵酒長歌寶劔篇相思重回首鄂
樹隔風烟

雨中烹雞有作

避地豈真隱謀生未有方晨烟熟雞黍墟里澹
柴桑雨過豆花赤風高柿葉黃隣家不相識何
處覓壺觴

郡東廳宴坐

晝刻分香短風簾簇影移天清聞墮羽院靜見
遊絲往事閒堪憶長貧老不疑黃金未可就瀛

海竟難期

人日寄所知

落莫江村裏偏憐物候新百年長作客此日愧
爲人薄俗存身計殘生隨世因楚蘭漸堪把采
采寄情親

石首江阻風雨舟中夜坐懷荊州公

八月悲風生條條鴻雁鳴白頭多病日黃葉北
山城細雨孤帆落長江獨夜情遙傳一掬淚洒
向楚臣纓

自公安縣夜歸鵞池庄風雨驟至有作

候雁迷寒渚昏鴉集驛亭故人江上別風雨返
柴荆楚些秋能賦已歛夜懶聽蓬窗小兒女相
待一燈青

聞徐使君畱滯漢陽寄贈

道直謫官早扁舟何去遲秋深縱酒後家遠寄
書時悽斷秦雲色悲涼越鳥枝漢陽江樹晚搖
落對相思

曹中丞以新詩見遺雪中書此簡答

凍雀飛還去空房祇欲眠高雲斷楚塞大雪滿
江天竹葉春仍綠梅花寒可憐歸來曹執法時
寄短長篇

江村寒食

白鳥忘機久青山吾道存興來從杖屨老去愛
雞豚楊柳橋邊市桃花江上村童兒沽酒至風
雨閉柴門

春日陪曹中丞飲城北莊晚至東湖艸堂

野望

芳艸春初折遊絲晚正繁漁樵楊柳岸雞犬野
棠村悵望荆門路悽迷楚客魂酬恩畱寶劍還
愛趙平原

秋日登吟覽樓

遠客不宜秋况登江上樓心隨胡雁滅身為楚
雲畱漢廣饒菰米湘清聚白鷗寒砧何處發落
日動鄉愁

寄嘉定徐刺史

柴荆鳥鵲定風葉正蕭蕭落日清江上懷人滄

海遙年華隨杖屨生事寄漁樵楚客銷魂處秋
來誰爲招

秋日鵞池庄與故人王惟材閒酌

秋水浮田葉涼風吹稻花白衣燕客醉紅樹楚
人家翡翠鳴魚笱鴛鴦立釣車鵞池堪避地與
爾種胡麻

寄嘉定徐二刺史

豪華猶六代勝事在吳門綠樹湖邊寺紅雲海
上村桑麻常夜緝橘柚向秋繁拂袖還鄉日應

憐松菊存

秋日鵞池晝臥

卑棲佚老日高枕物華年橘柚垂茅屋菰蒲間
渚田意中人不見事外客孤眠習靜眇身世長

吟秋水篇

江夏舟中值元日

乘舸下吳會寒日水增波江路魚蝦美山城橘
袖多維舟燕客醉倚棹楚童歌明發漢陽去相
思奈老何

蕪湖沙洲阻淺

艸樹山頭驛雲霞江口村
葦人驚虎跡舟子記
潮痕欲買吳姬酒能招楚客魂
長波浩無際日極更何言

春日寓徐公西園

笋出過闌見桺香度水聞樹深連海色
洞午散江雲石上拋書卷花間數宦羣
春愁如碧艸隨處亂紛紛

海上寒食

風雨臨寒食偏驚流浪情
梅花鄉信遠芳艸客愁生
青眼故人少白頭餘事輕
還將一尊酒東海弔田橫

夜泊長橋

落日長橋外維舟竹嶼孤
春潮不滿岸江鳥下平蕪
負笈終歸楚尋山且在吳
自傷漂泊意深夜醉嗥盧

雪後

石徑留冰雪松門鎖薜蘿
地幽身自得機息鳥

歷代詩選
常過芳艸春愁少梅花客醉多竹枝辭更好還
愛楚人歌

送洪都道士

霞外尋真侶山中問赤松僊壇花雨淨石鼎綠
苔封坐久金光艸行持九節筇聞師還舊隱何
日得相從

送王生西遊

雪裏荆門道愁中漢水春三湘曾滯客萬里欲
歸身獻賦還過楚談兵漫入秦自傷流浪久偏

惜遠遊人

夏日陪葛刺史飲東湖水亭

竹裏逢仙尉花間隱使車圍棋臨水檻把酒看
游魚黃鳥鳴深柳青荷覆小渠物情忻自遂而
我樂何如

秋興

蕉葉臨窗卷幽花向砌分楚童秋洗竹江雁夜
鳴雲地僻應增懶身潛不用文近來饒酒券秋
思更紛紛

歷代詩選
江陵送王秉之

不恃金貂貴常縣韋布情當筵一諾重却敵萬
金輕憑堞哀王粲臨湘弔屈平還家留舌在少
婦下機迎

中秋夜月

蕭蕭風露寒耿耿客衣單螢火流花砌桐陰上
井闌楚雲常獨臥巴月共誰看身世何須問生
涯此籜冠

承天寺再贈王秉之山人

貧賤論交日悽悽多苦顏井寒執爨少室靜共
僧閒囊裏常留藥人前笑買山飄零王逸少海
上幾時還

荆楚童

白晷楚童清雙髮挈酒瓶澆花晨汲井習字夜
囊螢竹院晴時掃柴門客去肩弱軀偏惜汝飢

渴屢曾經

山水春日登荊州沙津觀音閣塔

塔院收花雨樓臺散佛香山青巴國近烏白楚

歷代詩選
天長樹色分衡岳江流入漢陽古來爭戰地詎
是水雲鄉

江上逢羅鍊師因簡霞西道者

老去滄洲計春來湘水深白雲松子夢芳草楚
臣心搖蕩江邊興蕭條澤畔吟明霞如可掬不
惜報知音

上裴同楊少通宿荆南驛館

孤亭明月冷疎館碧梧秋雁宿新沙岍螢飛古
驛樓短歌多楚調永夜看吳鉤皎皎江關夢相

縣萬里愁

江陵草堂湯賦因憶楊少通

疎闕平生事支離遲莫年鄉關朔雁外客舍楚
江邊酒伴曾誰訪詩狂還自憐經過揚執戟許

寄買山錢

秋日小園雨後遣懷

性直難干謁時清愧賤貧江山雙草屨歲月一
綸巾秋色梧桐老晴光橘柚新寥寥宋玉宅千
古閉荆榛

秋日野望

聽鳥中林性看雲故國心地卑
湘漢濶天遠洞庭深老馬空
知道窮猿豈擇林十年書劍
客宋莫到如今

久雨小晴遣悶

向壁梳頭白開門落葉黃
巫山朝雨歇楚岫暮雲長
竹嶼詩成後茅簷酒熟香
杖藜看菊圃隨意挈壺觴

南遊留別劉元和

東風習習芳艸柔欲去不去情
悠悠贈劔何年刻玉字對君
一笑談滄洲肯教白髮悲
春晚乍可黃金買莫愁此日
別離那可道相思長遶晉山頭

別劉五高秀才遊洛陽

春風嫋嫋桃花開客館飛飛
燕子來遊子一朝辭此去
故人千里夢頻迴上黨小
姬白苧舞襄陵美酒黃金壘
與君共把接離倒風流不數
洛陽才

江閣晚望呈荊州公

幾處蒹葭連岍白
數村烟火隔江明
無家自合依劉表
有賦誰能薦長卿
巫峽去帆江樹隱
衡陽歸雁暮雲平
黃金已盡還爲客
湘漢長歌萬古情

山館洞庭送徐使君投勅東歸

秋來爲客易沾巾
更向瀟湘送逐臣
煙艸斷雲橫楚塞
夕陽歸雁度江津
天涯白髮無知己
湖上青山有故人
回首吳關空悵望
何年滄海共垂綸

垂綸

自沙津江行舟次岳陽送徐使君

漠漠晴沙江水流
寒衣同上木蘭舟
白蘋風起洞庭暮
碧樹雲橫楚塞秋
羈客懷鄉何限泪
孤臣去國不堪愁
夕陽帆影臨空盡
誰念天涯獨倚樓

石首阻風寄懷徐刺史

別後相思夢屢真
秋來誰寄短書頻
孤舟風雨偏愁客
萬里江湘對逐臣
莊鳥苦吟終適越
仲

宣欲賦未歸秦十年零落黃金盡一夜長歌獨
愴神

雨中呈王郎

黃金臺下見君顏今日蕭條入楚關一顧那知
添白髮十年何事老青山鄉愁多在烟雲外客
思偏生風雨間我已無家問消息開畦種藥不
須還

八月十四夜遊太暉觀呈忠教真人

碧天高處是三清金作樓臺玉作城白鹿僊人

秋弄笛青牛道士夜吹笙驚殘崔夢江雲冷幻
出松陰海月明欲寫陰符寄幽事山中老子有
書迎

同郡蓋子材寄示文稿作此簡答

萬金散盡一身輕白首為儒掉臂行郢里誰傳
春雪調楚山應繫薜蘿情自知未上千秦策肯
信歸來感婦迎却笑文章憎命達十年猶在魯
諸生

飲酒

五集卷十七

城上秋風動薜蘿十年江客意如何酒腸方大
 黃金盡世事纔知白髮多月冷却憐孤雀怨天
 寒誰聽飢牛歌平生還愛於陵子用拙為園老
 一簑

蕪州汪秀才見訪江陵艸堂

漂泊江鄉老此身柴門長閉任家貧雲霄放
 渾閒事風雨看花又一春抱玉幾年終獻楚
 懷書垂老莫干秦昨朝憶共接輿醉竹下狂
 歌見性真

越溪女

越溪素足女婉笑青眉揚泛水采芙蓉歸來衣
 更香

自君之出矣

自君之出矣腸中車輪轉欲向夢中尋路長春
 夢短

野菊

野菊多幽姿含香待誰發落英我欲餐芳心無
 遽歇

江上尋張鍊師

隔松聞桂杵玉粒搗玄霜水月明笙窟江雲冷
石堂

秋夜

天秋鴻雁來夜寒桂花落空館復相思清颺振
藁薄

塞下曲

燕艸初齊苜蓿肥白狼山下客思歸轅門昨夜
軍書到又領殘兵入武威

論南古思邊

井上梧桐春作花園中苜蓿夜藏鴉少婦流黃
挑錦字將軍提劍戰龍沙

林邑戰城南

都護輕車出上谷健兒飲馬長城窟匈奴昨日
戰城南風雨瀟瀟夜鬼哭

江樓對月懷鄭汝推

霜楓搖落早猿啼愁對澄江送夕暉明月樓寒
人不見相思千里楚雲飛

送句吳豪士重遊大梁

汴水東流接大河曾經帝里問銅駝春風三月
旗亭酒落日夷門一放歌

沙塵風起晝冥冥二月黃河尚帶冰桑柘夕陽
村店路同誰走馬予韓陵

二月沙津江水平吳船楚榜棹歌行高陵夾岸
饒商估小妓街頭賣唱聲

東岩主人東崑樓巖花開徧岳東西有時自抱
一斗酒醉約山翁弄玉溪

洞裏仙人去不歸洞口菴花秋自肥石壇露滴
松花冷夜深山鬼薜蘿衣

春酒壺中爛似霞青童學鍊白硃砂醉來起舞
松庭月三嗅臨風玉樹花

春郊卽事

春風嫋嫋夕陽西芳草菲菲楊柳堤行盡溪山
有茅屋青林深處一鳩啼

蘇宮詞

自從十五畫雙眉記得新裁白紵
麟袖裏青梅大如豆石榴枝上打黃鸝

江亭對雨有所懷

輕烟裊裊白蘋洲日暮澄江送客愁
細雨黃花何限淚思君一夜楚雲秋

山中月夜送客

松裏夜禽聲關關松上女蘿垂石闌
天風吹衣月皎皎紫芝歌罷仙翁還

宿鄭氏園亭懷白石山人

雲泉滿谷絳菴肥白石山人去未歸
春至不知芳草綠月明松下雀雙飛

春陰

竹裏閒松石逕斜春雲長遶堦
人家幽窗睡覺禽聲響童子開關掃落花

五集卷三十七 終

式草懸其甲林下雷雙

雲泉漱谷雜奎瓠白不山人去未歸春至不

大如節禮天國亭對白不山人

凡刈刈紫芝海羅山後

餘稟交禽猿關關外士女聽垂不關天風知

山中凡亦送容

石倉十二代詩選 五集卷三十八

高素齋集

大明

吳郡黃姬水著

後學曹學佺閱

始發吳至都下述懷

落宿沒遙堞崇雲結扶肝揮手卽脩路羸馬從

此驅故鄉豈不戀遠身誠令圖親朋相追送勸

吾盡一壺出門盼叢薄白骨彌黃墟狐狸馳陰

阪空屋號飢烏朱曜失精光迅風卷臯蕪關河

邈形影含悽玄髮枯况乃携妻子路乖不可徂

衡紀遞推遷沈疔屆西顛夕陰吹商飈蕭瑟空
林掃薄帷鳴蟋蟀綠階凋蕙草中夜不能寐起
視月皦皦離獸紛赴穴南旻叫鴻早覽物惻余
悰繁傷怒如擣借問爾胡爲羈人在遠道誰言
憂可任憂來令人老

旅中對月述懷

長江一萬里到海只須臾人生無百年忽忽流
光徂青春忽受謝已矣悲令圖呂尚不逢載渭

水終釣徒五十猶負薪會稽爲逐夫咨余昧前
算僮侗靡良塗緬懷空中賞嚴鄭與之俱弓旌
久不作身名竟綦蕪微月暖幽幔渚雁寒商呼
青火無精景熒熒高林枯撫枕多悶嘆申旦滄
沾襦

夏日登雞鳴山懷朱司業

迴阡結飛轡登頓窮嘉旦孤悰感滯淫興命凌
汗漫延閣綠雲上江山送目亂丹巘俯神臯奔
流赴溟瀚玄湖仙嶼隱昆苑皇衢散靜賞娛清

暉須臾狀殊換遠樹積繁陰白鳥矯輕翰傷哉
千里目煙際綠蕪斷伊人美無度引睇在霄漢
金門著作庭蓬山藏書觀麟趾橫經餘焚香坐
清晏所思邈難卽西嶺日欲旰抱景縈寸心勞
勞空廬歎

簡郡大父青城毛禮部

緬昔少年時明姿何婉孌綴藻若春華六籍事
漁畋勗彼迷邦言有積希自銜遭命叔夜奇不
復似雄薦曩蕙今爲茅興言痛緇練時亂丁我

躬窳跡寄他縣衣敝履復空藜藿不充膳戚憂
詎釋懷忸怩恒在面齒髮日以非唯存氣一片
綺季歌療芝割肉責曼倩穢潔雖不同亦各行
所見咨余方泣岐前路智猶眩欲就諸侯招已
勝賢人戰洄鱗耻求活羸馬悲先倦于世苟無
營安往非貧賤逢君卽良藥光輝生顧盼感惠
激中腸陳詞淚如霰耿耿平生心白日高天炫
許尚寶仲貽席上作

撫時感冬索有冽嚴霜序玄飈結寥天修途偃

荒楚殊方久滯淫
恁鬱黯余緒眷懷同心人空
林每延佇山公與嵇生
冥交夙所許迴駮展良
覲嘉讌式斯舉絃匏在兩房
充筵雜篴篥陶陶
敦故歡永夕繼華炬曠爾偕鴻心
冷然洽蘭語
長江無西流傾曦不東處
萬細豈足論覆此盈
樽醕別圃抗葯房烟霏接仙籟
漸泉響迴潯微
月暖孤嶼廣除被幽薄寒條露零
潯放意傲以
遊誰言有羈旅

途中詠懷

客子倦行遊征帆下雲陽
天寒江流急落日江
籬黃中夜不能寐攬衣理清商
哀禽鳴北林仰
視明月光灼灼三春花奄忽凋
秋霜想彼高原
枝鬱鬱含貞蒼驪珠等魚目
蘭忌當門芳駕言
適漭滄愿隨黃鵠翔道遠不可致
思還歸故鄉
客還集阮都尉宅

歲除客還家親故忻展覲
今奉三秋儀昨懷千
里訊墟曲開素心春風上枯髮
步兵夙寡諧締
交江東俊愧匪黃生
陂日余可消吝談玄辨雕

歷代詩選 明黃海父 四
龍意愜悟游亦衰遲復愛年奔畧一何迅不療
商皓飢徒握楚原瑾古來賢聖徒慧智存疾疢
俛仰大塊間盈觴莫勿進

姚元白市隱園作

主人飛遯青溪側散髮孤吟操翰墨靜處看雲
竹裏陰狂來弄月波間色天涯遊子怯春衣醉
酒壚頭尚未歸怪得名園過詞客一時花柳盡
芳菲

東飛伯勞歌

天邊別鵠雲邊雁湘江洛浦遙相盼誰家麗質
千黃金非徒美色兼美心珊瑚首飾羅衣裳芙
蓉發秀蘭生香都閒婉變方總角獨向春風織
手濯鉛華青鏡無十年空留可憐還自憐

法平俠客行

三月春風滿洛陽翩翩玉勒度垂楊臂上瑀弓
挂明月腰間寶劍懸秋霜遙看夾道花如羅連
鑣何處不經過鬪雞南陌方驕勝射兔西山又
較多平生一片橫行心報讐何用相交深不識

人間重紫屋但知意氣輕黃金大義畚從犯禁
來榮名却向忘軀回顧看宋寔讀書者多少蓬
蒿空負才

三月送崔旦歸平度

去年秣陵道送別青門艸今年客吳趨飲酒松
江鱸匹馬明朝又西去一片雲山不知處才大
難逢祗自嗟白頭空抱匡時疏聞君結宅近蓬
萊芝英石髓仙嵒開餐精鍊骨且高卧人間誰
築黃金臺君不見鳳鳥食琅玕丹穴棲高翰雲

雨苟未得蛟龍且泥蟠憐君落落復還家余亦
飄零向海涯拂劍出門月在地滿天霜色照江
花

送古狂子之金陵

君不見梅福棲會稽梁鴻隱吳市人生鬱鬱苟
拂意便當着屐名山裏王君濩落落抱奇才曾將
筆札供蘭臺一朝勝氣與時忤從此孤蹤歷九
垓寒雲忽送蘇門轍云自觀潮度東浙卽看匹
馬秣陵遊携琴去卧華山雪嗟余遠性自風疎

歷代詩選 明黃澤父
却笑年年空著書行當采藥與君往願得長隨
白鹿車

送張幼于讀書湖上

越來溪上楞伽側雄圖一片平蕪色綠水難留
西子舟青山空傷吳王國枕書累月臥林丘花
落禪房白日幽無那春前別張緒湖頭楊柳憶
風流

送郭次甫遊峽

春風吹開仙掌雲玉陽觀裏花紛紛虬崖鳥道

從此去直到張公合丹處盧生遐想在蓬萊風
雨閒扉掩綠苔茶竈烟微桐葉暗年年勝事待
君來

吳宮朱司業席上作

秋風蕭瑟吹秣陵天涯貂敝客不能胡爲踟躕
朱門影矯足長途遵大嶺玉堂學士江左賢明
經第一誇妙年秘室文章冠詞囿禮樂明時還
齒胄石渠罷講下蘭臺高堂置酒召鄒枚玄談
永嘯延落景貪賞煙霞象闕來我愛主人情太

歷代詩選
厚雕盤玉笋千金壽鳴笳擊鼓樂未央宛見南
榮橫北斗瀛洲蓬觀本儒家別有壺天駐歲華
蟋蟀已吟井上葉鴛鴦猶泛池中花酌酒與君
須暢飲當杯且莫生咨嗟君不見六朝羅綺餘
荒阪寒楚蕭蕭走颺颺無情堤柳只自垂昨日
吳宮今晉苑又不見人生聚會能幾何山陽聞
笛哀情多黃公壚頭共嵇阮乘輅轉眼悲山河
立馬踟躕且莫去明日孤雲定何處
送汪元蠡謫晉陽

故人別我胥水頭孤征萬里向并州平時猶憶
山陽別此別那堪腸寸折千鐘一飲歌慨慷白
日黯慘無精光須臾陰飈走沙石木葉盡脫江
波立吁嗟世路太行轅九疑對面何復言讒口
金銷古來有今日寧知點玉冤千山萬山盤句
注雁門九月誰能渡接地風雲紫塞秋連天冰
雪黃河路君不見負累鄒陽書幽憤嵇夜詩豪
傑皆如此歎息欲何爲世間萬事何足說失馬
生牛君試閱著書寧殘遷史身游說猶存張相

歷代詩選 明黃澤父
舌越石胥靡季布奴願君自保千金軀腰間寶
刀虹光吐壯士相看淚如雨

去年爲郎長安道省中行路生青艸今年作牧
九江城白榆庭下喧灘聲憶昨人日月在天高
齋設像敷几筵石鼎自煮中泠泉題詩萬里寄
瀘川鵝鵲樓前月正午盧龍山頭初過雨金陵
春釀百斛傾主人醉後還留賓須臾飛詔來南
甸五馬雙旌看不見誰知人日轉眼逢八賢分

散悲萍蹤西嶽道人去不返東閣僊郎卧偃蹇
嗟余病客只飄零閉戶經旬親藥椀自君一別
心賞乖足跡不到長安街此日思君往事歇潮
溝石上空明月草堂同是題詩人我今題寄轉
傷神許掾年來倦登陟欲訪匡君猶未得匡廬
一望二沾衣歲改星回信息稀調水當時蘇學
士看山今日謝元暉

聽查十八彈琵琶歌

壽州鍾郎善琵琶國士斂手咸咨嗟阮朱絕藝

那能續不惜千金傳一曲十八從師廬子城五
年技盡六彈成抑揚按捺擅奇妙從此人稱第
一聲今年客自郢門還瑤枝手把來蘿關江湖
聞名二十載相逢兩鬢風塵斑據牀拂袖奮逸
響叩商激羽高梁上聯綿曲折抽芳緒悽鏘蹇
劫生孤愴欲舒逸氣更促柱切切嘈嘈作人語
炎天冽冽滿屋霜白日颼颼半窗雨雲停霧結
池波搖木葉撼撼烏翔舞迴焱驚電指下翻三
峽倒注黃河奔胡沙黯黯吹落月千山萬騎夜
不發調本絃鞞太苦酸相思馬上關隴寒從來
慷慨易成泣况復秦聲向客彈

黃山題長江萬里圖送貳守龍公之隆安

大江西出岷山裏東注奔流一萬里源同甕口
初濫觴川分湖滙何茫茫含靈蓄怪由玄宰霧
雲蒸鬱變明晦三湘納漢帶九州絡地浮天趨
巨海錦湍迅瀨翔鷺鷗黃雀磯邊鸚鵡洲黃金
紫貝漾白日萍實菱花榮素秋戾也蘇臺勤佐
理吏戴民懷頌聲起千里俄敷樹下春三年但

食江南水徵車鳳使下承明刺史符懸人並榮
騎吹還臨巴子國醴筵出祖吳王城鬱林舟輕
那可渡漁陽折轅還自赴吳地方深詠去思蜀
中應復歌來暮五馬曾過陳豫章千秋崑穴道
彌光他時一掬思君淚洒作江波萬里長

大石送錢叔寶遊白嶽

黃山突兀何雄哉千尋鳥道相盤回頂上雲峰
三十二天中面面芙蓉開飛崖峭壁摩霄聳丹
砂常自靈泉涌藤花蘿蔓不計年洞間藥艸仙

人種王孫落魄栖吳門名山夢寐勞心魂片帆
忽挂春水去乘流直遡菴花源一路青山夾谿
曲哀猿月出啼崑谷越王城頭雲不飛嚴陵灘
前艸初綠冥搜窟歷非人寰謝公題徧蒼苔間
右丞圖書况佳妙篋中携得雲霞還向長碧嶠
心徒切塵區虛自年華閱送君執手一慨然日
暮門前聽啼鳩容成子浮丘公軒轅鍊藥曾此
中千年空憶乘龍處煙霏石宇長濛濛洞口如
逢鹿髀老與爾相期拾瑤艸

詠懷

布衣雄一世飄泊任無家
狂掇青樓月閒棲白
寺霞今遊卽已昔歡處
忽成嗟寄語中園槿榮
華詎足誇

秉尚

志士貴秉尚吾師倪缺流
願穿北海榻耻敝洛
陽裘三徑可不出諸侯
何足遊春風長薇蕨畢
景好歸休

秣陵歸社中諸君過集得清字

客子歸來日閒居寡送迎
庭柯不改色墟曲自
多情人逸雲偏近家
貧窶益清也知無負郭肯
許老蘇生

分得清凉寺送陸祠部之任金陵

古寺石頭裏荒涼碧蘚滋
江山千里矚樓堞五
城窺帝子繁華地禪宮
銷歇時清郎多暇日登
陟有餘思

長干寺除夕

一年今夜盡况是客中過
白髮長安酒青雲短

褐歌潮聲徹僧梵雪色照岩柯誰謂空門裏
畚令百感多

懷嵩虛周山人

嗟余長卿病累月臥空林出戶見芳艸故人懷
遠岑看花到春盡煮石住雲深園綺采芝處知
君偕隱心

過姚元白市隱園

地僻寡塵鞅霞鏤許一攀平臺全抱水疏牖半
銜山柳臥漁磯靜花臨丹竈閒憐君息機者長

日掩蘿關

顧仁效陽山別業

隈隩山深處雙峰一徑斜澗生殘夜月泉被隔
春花向子元耽嶽龐公自隱家林端瑤艸供聊
以佐餐霞

訪豫陽田子席上投贈

挂席當秋杪回驂向日斜主人山陽侶酒熟正
還家過雨空潭月迷烟斷渚花從茲謝范好常
得締雲霞

歷代詩選 明黃澤父 三
同金子坤盛仲交市隱園對雪

遙空散密雪獨往問幽栖不道金陵裏蕭然有
剡溪凍雲連水合僵木抱峰低晏歲關山夜羈
人意轉悽

訪文德承攝山耕寓

訪爾崑棲者迢迢披荔從閒扉挂層瀑危路隱
千峰白首鷖裘客青山石戶農浮生能幾日一
別十年逢

同姚元白余伯祥訪圓志和尚

傳言禮開士象外各超然回首卽成劫初心未
是禪寒岑列虛牖野谷流平田石筵香飯罷暝
色生松烟

永興禪寺

山自長干外叢林面面幽前峰鐘梵雜晨夕入
雲流草長栖禪地花殘滯客秋年華復幾許荏
苒半生愁

送僧海印受戒武林

爲法謁師去還將靈域尋由來持行苦不憚入

歷代詩選
山深鳥外棲雲巘花時度雪岑吳僧卓錫處知
爾欲開林

牛女詠

鵲梁依漢起龍轡逐颺馳石冷香梭歇榆深僊
權移何當一夕詣畚動彌年悲會晤苟如此不
如長別離

過史孝廉冰壺館

過爾林居僻雲霞一逕通形驅百年內心賞幾
人同日晚花房合秋深燕壘空物華閒玩久不

覺夕陽紅

水嶽九日同何翰林康山人顧太常集天界寺
尋山來古寺泉石弄清暉何事良辰賞畚于羈
思違松屋飛雪冷竹徑入雲微搖落登臨日那
堪客未歸

毛禮部招飲東麓亭

崇觀來仙吏呼朋共洽歡崖懸芝閣迥松偃石
門寒暢飲彈秦筑羈憂結楚蘭江山秋更好不
奈旅人看

同王亮卿集曾司務官舍

幕府咨嘉畫詞林擅妙才公榮飲酒共匡鼎
詩來溝水空城逝秋蘭芳歲推逢君多慷慨
筑罷王山頽

贈盧次楸

有客不偶世長歌意何如名高劉生諾淚盡
鄒陽書獨夜鳴枯裏千山積雪餘飲君壚頭
酒江水渺愁子

春晚

高臥青崑下孤情與世違但看郭北墓空笑
首陽薇西日烏初沒東流花正飛無人知苦
調霜月照金徽

送王秋官元美北上

送子去長安行行贈握蘭讞廷秦法吏題柱
漢郎官雁候人難別驪歌日易殘空令懷益
者延佇逕雲寒

送劉侍御子威謫官閩中

憐君佐幕去宦拙復何論下位無非職南遷亦

是恩江山待驄馬
琴崔伴閒猿坐嘯
應多暇題詩到石門

同中南伯父大林房

江城尋古寺寥閒
向溪開值我止酒
日何妨入社來暮禽喧
石塔秋樹覆香臺
山逕鹿門裏猶堪乘月回

呂光祿招飲官舍

羨爾金門隱曠然
違世氛裁書懷趙壹
改席待羊欣林盡生
秋氣山空歛夕曛
省中無一事掩

閣只論文

宿弘覺寺白雲僧舍

支遁誅茅處崑虛
竹樹幽聞鐘上方
月尋壑石門秋風雨
羈人路江山日暮愁
繩牀與僧飯信宿白雲留

其二

精廬石巖際遙對芙蓉峰
半榻山中雨一燈階下蛩
楚天正蕭瑟秦客已蒙茸
投迹何能遠欣茲塵外蹤

還家

辭家徂暑候，返駕鴻飛辰。却笑干秦者，依然泣楚人。由來士也賤，惟有病宜貧。種菊已堪把，采之聊駐齡。

八月晦日同中南伯父餐英館候菊

何處饒秋色，君家籬下枝。亦知花未吐，却喜酒先携。白日深畦冷，微霜綠逕滋。還將不盡典，畱佇再來期。

季春徐陸沈諸公過集得清字

何以迂文駕，荒臯水竹清。厨慚貧阮籍，客喜勝公榮。柳暗初巢燕，花殘尚語鶯。定知蓬屋上，盡日五雲生。

望虎丘

故國返長洲，輕舸過虎丘。塔懸無隱刹，雲霽不藏秋。香逕紅蓮浦，金亭紫霧樓。自憐爲客久，翻覺似初遊。

虎丘試陸羽泉

清和風日好，輕舸擢廻川。仙掌携嘉薜，禪林問

古泉雲寒花甃外煙颺石牀前桑苧高蹤遠空
令憶往年

金陵暫歸與惠茂卿話舊

遠道歸來日風波話苦辛今朝握手者經歲夢
思人水月禪林夜鶯花茂苑春宜城飲酒伴誰
似葛強親

送姜玄仲還湖上

知君鮑小隱煙水翳花村忽憶石上月浩然歸
鹿門鴻飛何所慕麋性詎能樊一畝滄江上猶

堪容灌園

送王界川歸越

三年寓吳市家在越王城暮雨催鄉思寒蕪是
客程爲歌別子建留酒待公榮天際望來權錢
塘春水生

問疾丹泉居士

愛爾味禪悅蕭然掩室中欲知摩詰病應悟藥
玉空塔隱無人識癯形有宦同晤言誰與共余
本是愚公

和皇甫司勳元夕雪

積素照彤闈
蘭膏然九微
似憐百枝艷
故遣六花飛
淑候同爲瑞
芳宵併作輝
珠塵滿香陌
遊騎詎云稀

陸祠部養疴崇因寺詩以訊之

伏枕違香省
蕭然臥空林
知君無宦意
聊一託禪心
秋至顙雲白
人閒庭草深
明光待新奏
莫久脫朝簪

送梁伯龍遊荆南

見說荆南路
遙從巴蜀分
江春半流雪
峽曉盡飛雲
之子抱羈思
孤遊弔湘君
不知寒坂夜
猿叫若爲聞

送康山人還永嘉

江海同漂泊
君今何所之
長安勸遊日
落木送歸時
自信布衣貴
難逢前路知
永嘉山水好
因動謝公思

送靜師歸蜀

孤錫歸西蜀
栖禪舊給園
峨眉六月雪
巫峽萬

歷代詩選
明黃澤
山猿聽法不辭遠安心豈在言行蹤何用問無
住是空門

寄李方伯

道遠不可卽逢人聊致書所嗟百歲內少別十
年餘頭白江南艸官駢隴上車寄言久要者還
復念離居

癸亥除夕

命酒深宵坐盤蔬聊自陳年徂不待曉臘盡未
逢春梅萼疎堪折蘭條弱可紉如何芳歲戀祇

益長年人

贈許復賓

湖海交偏好烟霞性所同我無適俗韻君有古
人風綠酒形骸外青琴山水中吳趨千載後依
舊寓梁鴻

祈澤寺

野寺藏山麓松蘿關徑賒涓泉常作雨老樹半
成槎客至驚棲鶴僧閒對落花莫嫌吟卧久余
意在烟霞

草堂寺

夜宿滄波澗朝行澗道清
儵然來此地紛矣愧
吾生江染薜蘿色
山舍薜蘿情寄言草堂客
莫遣曉猿驚

燕子磯

羈思寄遐矚危磯
駕巨濤烟深南北渚
風急去來潮赴海波難駐
揚塵劫易消桃花吹暮雨
偏向客衣飄

靈谷寺

入寺心彌遠頓令塵想違
長松百盤路落葉半
扃扉雨氣連山白
泉聲滴石微夕陽幽谷裏
野鹿伴人歸

蘇長公祠

孤岫層峯合移雲谷口遲
昔賢曾買宅今日有
遺祠石牖飛泉冷
山楹積蘚滋風流那可空
爾白雲持

白龍祠觀水簾洞瑞石

清晨眺北嶺選壑憩龍祠
洞窅泉常挂山空石

歷代詩選
自移江濤春霧暗巒翠夕陽滋轉巘松門瞑遊
蹤詎惜疲

除夕與金子坤郭次父登冶城

散步崇岡後明燈綠酒初那堪惜除歲又復感
遺墟寒柝嚴城急春星矮屋踈明朝問生計猶
是一牀書

元日同文德承郭次甫過斌上人精舍

古刹稅霞鑣雲林自遠囂到來齊浩劫何用紀
元朝竹密無行逕僧閒不過橋空飈灑寒雨巖

穴轉蕭條

送童少瑜遊泰山

標秀唯東岱翩然裹足從白雲餘漢禪古樹有
秦封海日全生夜河流半挂峰君原抱靈氣應
與稷丘逢

沈徵君嘉則過訪同錢山人叔寶小集期

魏孝廉元朗不至分得堂字

吳宮一草堂蘿竹逕全荒呂駕遙相命嵇琴靜
以張雲移峯駐影花落樹畱香綠酒懷人處空

歷代詩選
除半夕陽

哀寒山寺僧智淵

性在超香界身傾墜道門青山留定色芳艸剩
吟魂禮塔新松影尋龕舊蘚痕法虔今已矣誰
復賞清言

秦桂送皇甫百泉兵憲滇南

滇南萬里宦遊人此地山川闢自秦蜀帝猶啼
杜宇血漢皇空祀碧雞神晴嵐霧濕常疑雨寒
澗花開不待春君去宣威到夷落白狼槃木定

來賓

送皇甫理山倅莆中

秋空雲樹澹長臯愁對蘼蕪送客舸自惜才華
多不偶暫時州郡莫辭勞桃花石上尋仙篆蘆
葉溪頭聽海濤倘過梅山弔仙尉清朝未遂挂
冠高

懷東顧給事新闢池館有約未赴寄之以

詩

立朝名節竟何爲顧况年來髮已絲買地藏霞

栽綺石開軒納月引清池西垣諫紙今誰請北
郭琴歌好自怡幾欲尋君蔣詡徑白雲芳艸負
幽期

送客還休寧

霜林木葉聲颼颼無那歡筵動別愁吳市古來
堪采藥嚴灘西去有歸舟殘陽送客下汀雁寒
月依人過驛樓會訪靈岩重訂約春風先爲掃
花丘

逢張給事

遷客羈人總似萍幾年重見秣陵城卽看緇服
知遊態每誦新詩識宦情孤澹寒潮依石落干
山積雪隔林明同學江湖憔悴盡莫將簪組負
清平

西園贈沈膳部

淑候閒房憩午陰晤言那覺夕霞沈芳洲日澹
江潮急遠壑煙生山木深花落空階雙燕影瀑
懸層壁一猿吟著書沈約元多病未許清朝卽
解簪

登三山宿聽江樓經落星岡李白換酒處
空岩香閣叩栖禪坐見歸禽沒遠天鐘度寒潮
鼉峽外帆移芳草鷺洲前春江半是巴山雪暮
嶺全迷楚澤烟忽憶仙人換酒處飄零今古一
悽然

臘月十二日宿中白冬官齋中

雞黍相留意自真風波辛苦詎堪陳
遲年更瀝西河淚逆旅仍逢東郭貧
積雪江山殘照月破寒梅柳暗催春
結交今有平原在肝膽不愁空

向人

送朱客部擢守九江

潯陽遙枕大江邊雙引朱轡入楚天
楊葉洲低溢浦浪蓮花峰接香爐烟
江山名勝二千石陶謝風流十八賢
欲慰臨岐珍重意好將爲郡政聲傳

長干寺資上人房夜坐

可歎勞人于役難又驚年歲客中闌
先生雙履慣行雪季子一裘聊送寒
已識繁華同曉夢由

來人世似波瀾那堪江上閒猿嘯聞到空門夜
月殘

秣陵詠懷

年年作客長干道前路蹉跎誰賞心
花鳥幾回芳歲歇江山一望白雲深
徒然命酒新豐市何似狂歌中散林
懷玉古來俱不偶莫教雙袖泣黃金

五日和宗伯昭

風雨江湄一倚欄奈逢歡節不成歡
試看今日

秦淮水猶爲當年楚客寒符薦靈絲
交彩纓湯傳翠金浴芳蘭驚時遊子
情無限欲向篁篔引襄彈

同毛儀部西天寺飯僧

青崑緝宇喜同登松壑烟深信幾層
已羨清曹飲水吏還將餘祿飯山僧
此日藍輿招靖節當年白馬處摩騰
如何漂泊孤雲迹回首空門亦未能

息園賞杏花得枝字

平津舊闕招賢館乘興來尋愜賞期南陌青旗
醮甲酒東風小苑斷腸枝遊絲日暖卽橫路舞
燕泥香故掠池見說醉花宜及晝可能辜負艷
陽時

青島中秋集定慧寺時自金陵暫歸

共喜中秋河漢明東林坐見月華生青天不染
金波冷古寺無人玉漏清竹柏空階交藻影蛩
螢深巷雜砧聲故鄉番作思家夢此夜長安兒
女情

十六日華山宅得清字

爲憐淑候成佳賞西第邀賓吹紫笙人苦風塵
春不艷時逢燈月夜還清馬遷畱滯悲前事蔡
澤栖遲笑此生身在故鄉家在洛銜杯猶是客
中情

寄吳中故人

孤征千里及蕭辰辛苦羈離歎此身飲酒新豐
不醉客題詩古驛未逢人江山空有還家夢裘
馬誰嗟行路貧爲報遙遙無定跡他鄉異縣老

風塵

企齋朱明府入山訪道內人有修梵行賦

贈

謁師持戒躡霞岑斷相離言悟自今方喜先生
歸五柳却看居士住雙林聽經石上花初墮習
定山中雪正深龐蘊有妻皆得度應知不異鹿
門心

將辭白下作

忽驚木葉下秋霜倦客應歌我馬黃白下江山

佳麗地江東豪俊少年場青琴不厭嵇康懶綠
酒偏容阮籍狂頭白飄零好歸去五湖蝦菜是
吾鄉

送古明禪師還蜀

梵行精持五十霜羣書博覽類支郎尋山偶出
啼猿峽到處惟留挂鶴牀萬仞天風立臺雪千
重風浪採嵩香君歸莫卽峨嵋老大地何非是
爾鄉

再送古明禪師

杜尼維摩事藥王與師相見卽清涼遺民從此
過蓮社玄度常令卧蘚房行苦經年棲石壁心
安五月上瞿塘空門別思依然劇無那雲天萬
里長

金陵寒食

禁烟時節若爲情春草芊芊春水生不挽人行
惟路柳慣催花落是宮鶯鞦韆影裏騎嘶馬醴
酪香中白泛餉風雨滿城愁旅髮怕言明日是
清明

十四夜宴仲都皇甫宅因懷少玄司直

九衢燈火正霏微蘭宴開時暮靄飛歌舞花前
看月起年光柳上識春歸金尊低度蛾眉色畫
棟爭流鳳燭輝獨有草玄人不見滿堂絲竹一
沾衣

兪是堂招飲臥龍山道院

岌嶷仙閣郡樓西潭水桃花路欲迷半嶺松陰
千丈合攢峰暮色萬重低滄波島峙餘秦望荒
艸臺成舊越棲何事賓筵歡賞地畚令客思轉

淒淒

九日宋明府招飲石湖草堂因懷王履吉
越溪西繞闔閭城弭權銜杯佛宇清菊日猶能
醉陶令竹林那復見嵇生澄湖鷺白霜波遠曲
塢花殘夕照明每爲江山易增慨百年時序况
關情

立春日讌張都閩宅得光字

綺屏銀燭列華堂寒郭沈沈畫角長帳下笙歌
留夜色雪中梅柳漏年光將軍空老南山獵詞

客還持北海觴獻節條風今日至招搖彩筆競
春芳

送王和仲北上兼簡文壽承王百穀

春明送客閭亭酒無那垂楊裊碧虛惜別驪歌
花落後挂帆江雨水生初曾聞相閣還延士謾
道王門可曳裾爲報故人頭白盡朝朝暮暮一
牀書

青溪

青溪帶九曲溪傍跨七橋沙際露殘月籬根見

落潮

蓮衣渚

芳渚落蓮衣紅顏幾時好采采芙蓉花涉江秋
易老

賦得秦淮柳

春雨暗前浦酒家臨官渡柳條牽地長不挽郎
舟住

題畫

樹色封雲暗泉聲漱石幽千山風雨夕遠浦一

漁舟

毘陵道中

勞歌江上採江蘼一日愁添髮幾絲借問客心
何處折渡頭燈火落帆時

錢君招飲郊外以疾不赴

城南桃李一時新燕雀湖頭獨占春寄語東風
休妬盡花開猶有未看人

送孫禹錫遊武林

春風吹動綠蘋洲芳艸王孫事遠遊見說桃花

最迷客六橋深處莫移舟

莫子文過宿

江南秋艸白漫漫身賤時危路轉難
茅屋西風留客夜空林飛雨石牀寒

寄方山人

幽人區外寄高蹤家住吳山第幾峰
一片白雲茅屋底飛泉百道數株松

雲隱菴餞郭子

榮柯脩竹亂啼鶯一抹青山隔水明
解道孤雲

蹤跡似空門殘日送君行

虎丘別友人

惜別銜杯過虎丘行人無奈亂山愁
澄江一別秋風裏楓葉蘆花是客舟

閨情

十年夫婿遠從戎紅粉樓中怨塞鴻
擣盡寒衣向明月那將砧響托西風

題畫

百尺高臺麋鹿遊金楣玉檻此荒丘
行人莫問

興亡事蔓艸寒蟄故苑秋

絕壑清溪小構幽涼風吹送白蘋秋空山盡日

無人到惟有寒泉繞戶流

洞庭霜落五湖秋天淨無雲水不流楚客愁心

何處劇一行殘雁下蘆洲

天平山

峯巒鬱鬱若蒸烟萬石嶙峋盡插天絕壑長松

初過雨龍門千丈落飛泉

天池

池開天上曲藏霞夾路松陰十里賒疊嶂層峯

迴合處一泓寒碧浸蓮花

消夏灣

吳王避暑此中過別殿離宮被澗阿鳳輦龍舟

歌舞地惟餘烟艸帶寒波

石湖

萬頃晴光上下浮洞庭東去百花洲遊人莫向

湖頭望煙艸猶含霸業愁

飛燕嬌舞

昭陽雕輦綺羅催掌上盈盈雪態迴一自輕身
承寵日漢宮新築避風臺

題董姬描像寄遠

自憐眉黛未應殘說與行人淚暗彈君若比來
思妾面畫中猶勝夢中看

石倉十二代詩選

五集卷三十九

十嶽集

大明

歙縣王洲寅著
後學曹學佺閱

易水歌

天寒易水上兩岍黃蘆多昔時燕太子置酒送
荆軻所俱不肯待速發將如何水鳴訝擊筑風
響疑揚歌壯夫傷往事忍向此中過

廣情詩

端居披載籍往事欽古人我生何太晚不與生

同辰追思不可見
夢寐時相親
多爲燕趙士
稀
有魯諸生
恍若顏回識
盡將肝膽陳
覺來失所
在戚戚傷心神
丈夫懸弧志
寧甘棲舊鄉
弱冠事遠遊
匹馬紫
絲韁南國隘
吳楚中原邁
齊梁結交盡
名流識
面投肝腸
邇來多泉臺
宿草如人長
一望道云
遠絮酒未陳
觴新逢寡所
歡懷舊歌
慨慷餘生
縱百年知己
那能忘

三

有客扣我戶
履穿衣敝垂
誇言不少讓
爲恨憐
才稀聞言一
變色掩耳仍
大嗤君縱萬
夫秀今
異四君時
骯髒無淑貌
邪媚多諛辭
方軸與廣
輻爲輿阻
驅馳南山有
荒畝不如
早言歸

四

故鄉別吳越
匹馬策翩翩
蒯緱繫短劍
萬里秋
風天渡江
望齊魯從此
入幽燕往代
多雄豪遺
迹覽依然
相逢道上問
追思千古前
有志功莫

遂哭爲淚潛浣神魂定不散抱憤臥重泉未暇
一觴奠長歌大招篇招之無術起欲去還迤邐

五

貧士恒產薄十畝惟荒田藏名欲躬耕村里多
人烟辭家命妻子載書入南原有樵讓山居種
茶賴供餐學惟孫登嘯懶草揚雄玄木石與游
息麋鹿相周旋矢言往來絕任此全天年還愁
似畏壘俎豆賢人間

仙姑石

碧山城南曲石洞雙扉開鄭姑鍊真處神解不
復回洞前蔽灌木逕上封層苔市喧近雞犬遺
跡埋塵埃棄置訪何人俗世稀仙才託隣恨無
因得築乘風臺

任公釣石

民安郡無事曳杖時徒行聽訟隨在野雙溪從
姓名溪上遺釣石繡織苔花生斯石非數仞高
與峴山爭豐碑無人紀爲之揚德聲拜石足墮
淚惻惻心難平

地上

蚤歲盡破產報韓氣何雄
誤擊博浪沙抱志幾
不終匿名來下邳幸有
地上逢一見識孺子進
履披褐翁嬴秦快卽滅
炎漢資成功荒祠今尚
在九曲黃河東宋寥訪
往迹感慨懷高風

售寶刀

家貧售寶刀壯士非良謀
世俗無貝目重價誰
能收市門且歸來笑向
妻子羞東隣有美酒典
將敝貂裘悲歌盡一醉
拂拭丹虹流鏢上酹酒

誓結好終白頭惟事靖國難
不須瑣細讐志違
苟已矣埋匣同山丘

留竹軒

旅居既卑隘塵俗復相煎
砌下理荒翳移竹當
窗前數竿小成林秋雨
滋娟娟翠色濃欲滴映
我古人篇市酤對斟酌
攀歌興悠然自是野
性難忘丘貉緣更生爾
方暢浮迹予流遷去住
且勿道主賓暫周旋

寄東雪廖廉使

澗松移崇岡仰觀拂雲天
臯蘭披迴風清芬遠
聞宣託勢物亦爾元叔諒其然
羊陟就柴車譽爲京師延
嗟哉乃狂激胡若君侯賢
慚余抱瓦礫中路尚迤邐
剖璞辱謬賞泣血誰希憐
捫心感知遇論迹非夤緣
願終保堅白敢使平生愆
然亦雨中盛仲交過訪冶城宮
帝城羈秋霖仙宮倦朝起
擁衾驚扣扉獨駕過
停軌豈伊異調人迺我同心
士入座對名香談禪究妙理
須洞卦專觀勿迷園中視世
染恐益

深性靈患彌累窮達猶煩煎
况能齊生死

建陽舟中

五石瓠爲舟長謠弄秋水
飲食絕腥羶世塵忘泥滓
有如戴髮僧安禪一龕裏
夜月懸寶珠篷窗白毫起
六合包山河環流何殊此
善識能超方大小總玄旨

園居除夕喜程師道至

客有君子至春色生寒林
慚予本薄劣由之揚德音
斯事未成昔高蹤方耀今
坐久里巷宋起

歷代詩選 明上仲房 五
視星河沈一朝寧足戀畏彼流年侵

飲同甫梨花下

爾爲好博徒囊金輕一擲名落少年場窮愁守

空宅學圃當村西繞牆梨花白甕頭餘濁醪無

殺愧留客余迺太狂人索醉花下石何用羅八

珍隨時在意適爾歌紅錦袍予按黃鐘拍醉罷

歸潭東竟忘日云夕

武林城東園月夜童希臯送酒至

避居城東園地偏寡車騎花鳥春陰時徒倚盛

幽事落日卧繩牀香烟儼山寺新月忻鑿帷鶯

誰扣門至尊豆命雙僮見我故人意故人尚微

疴兼言之中饋乃慰羈旅愁寒霜苦相媚安得

對持觴勸酌縱深醉

病起走西湖探芙蓉留醉酒家

旅園卧病起庭前桑葉黃方知秋已暮湖上來

翱翔花信探芙蓉何處多紅芳先期乃空歸笑

人雙鴛鴦乘興未云盡野市沽清觴高鬟當壚

婦楚楚羅衣裳娟秀識初年猶畫蛾眉長未見

芙蓉花得見芙蓉妝
臙脂待爛熳還約醉千場
入雙題岳東伯秋山圖
觀市市亦書
醉飲外東伯吳門高士也
平生寡交好而獨有
然國相契于余
今秋傳東伯死矣
余不勝哀悼
從地詠焉除夕之日
有書來寄兼以秋山訪友
性卦圖喜若更生
慰余晚歲遂賦數韻書于
蘇兼言圖之下方使予子
孫知有今日交道也
治城道士館一別十餘霜
丹磻論秘訣携手期
鸞翔世交獨君契
何人報云亡舉首憤青天疑

信摧肝腸今夕當除夕
緘書至茅堂十行見心
素大笑喜如狂還披秋山圖
游神入微茫命兒
垂北面萬疊煙雲光
貧家歲計乏柏酒尚盈觴
呼君壽東向願言保無疆
來世入猿
詠實余

東阿道中見杏花
一枝開杏花紅粧艷

北來已春深碧艸猶未見
一枝開杏花紅粧艷
如茜幾樹王潭上
片片花亂飛
穉子戲花下
計我將南歸
先有南歸人
曾題尺書寄山妻
釀濁醪
甕頭待沈醉
歸途尚云遠
歸興良翩翩
紫驢

歷代詩選 卷之九 賦
勿辭倦揮斷珊瑚鞭

觀南原嶺北飛泉

我生泉石癖遙入雁山雲三月戀龍湫歸猶夢

中聞今偶慰遐想雙耳洗塵氛雖異千丈雄九

道派多分行行泉一逢一逢神一爽素練爭青

厓銀濤亂蒼莽慨自渾沌來世人孰能賞余謀

隱南原三茅數來往貧寒賦性之所尚尚

讀蘭亭詩視桓叔山圖

山陰蘭渚上小亭澹雲烟暮春修禊事正愜晴

和天一時盛王氏乃先倡羣賢流觴任曲水音

樂遺管絃取飲不惜醉分詠競成篇予曾訪陳

迹披詩見依然羲之復可笑遷變胡足言大化

自終盡痛哉孰君憐彭殤總非異達生斯真詮

託金修之寄漢芝山靈之作

四皓藍田隱和歌紫芝詩貧賤足肆志富貴良

羈縻白首老終南高皇詔常辭璫上漢芝山山

名自何時定有尚隱人往哲思與齊兩度訪君

家幽勝偏獨遺予今寄山靈先爲暮秋期擘擘

如可採試療狂生飢

送許德先遊楚

送君西上武昌遊黃雀樓前鸚鵡洲好弔含冤
襴處士綠酒呼灑長江流今人亦多抱才異俛
首低眉色憔悴伴狂誰敢傲公卿韜光還似龍
泉忌處士謀身不世情曹黃猶是重才名招魂
爲語今人事遺恨休隨芳艸生

揚州酒家贈趙二玉賓

翠髻青衣高唱籌墟頭送酒厚如油滿飲腰間

古玉斗乃爲情真不因酒酒酣催君挑數錢貧
交百錢過十千富交酒泉通北海何足王郎澆
礪磊况猶懶謁平原君布衣只合逢朱亥出門
倒着白接離明日與君還有期長途莫謂囊羞
澁典却貂裘報所知

謝汪德弘画松

騎馬來尋北關口呼童西隣爲沽酒勸我東籬
泛菊英画松君自臨虛牖淋漓水墨三尺長孤
勢直上干青蒼蘚皮活鱗太凌亂雲葉怒鍊何

森張一枝下走刷星尾漸欲倒地仍迴翔揮筆
縱橫只兒戲反覆玩之轉奇異宜護玄元仙客
壇恍愁風雨翻濤至

謝吳汝復秀才送黃山佛面竹栽隱園

黃山有竹佛面奇杖林或自婆羅遺一竿移植
王潭上丈六金身日相向慈風遶竹何蕭森慧
耳偏能悟楚音不勞貝葉聲聞裏塵世消除毒
熱深早看三逕連蒼翠老去皈依多佛地摩詰
重來住朝川王潭欲捨清源寺

遊石岫山仙嶺

有洞有洞村之東瑤扉常望開半空只今短髮
已蒼莽興狂長嘯始獨往洞表三石何其奇儼
然仙侶肩相隨碧葉蒙茸綠蘿滿翩翩羽服凌
風垂氤氳洞口煙雲護迺是白日虎豹路陰林
山鬼撫掌藏笑予攀游乃何暮眼前福地尚若
無徒按真形五嶽圖三石從今三結友百年日
日訪提壺

金陵苦雪簡金子坤

江南北風吹裂石長安萬戶梨花白須臾往來
車馬稀九衢積雪深三尺城中甲第多公侯貂
裘重擁登朱樓瓊帷金鼎縱歡賞美人趙舞還
吳謳蓬門爾亦袁安臥高枕圖書舊衾破遶牀
稚子啼飢寒悲聲滿耳愁能那省郎馮何稱好
賢二君交結今有年豈無餘粟爲貧乏對面相
視心茫然王郎旅食風塵久青錢錦囊足邀酒
與爾同尋賣酒家一酬一酢三千斗吁嗟乎王
郎醉後拔劍起舞光陸離從古英雄偏數奇此

日徒吟白雪調何時再賦陽春辭

席上謝馮戶部汝言

殘年匹馬金陵陌落日來過馮唐宅夜久簷前
凍雨飛痛飲梟盧賭千擲自慙老大未成名况
復踈狂甚襴衡敝裘醉舞華燈影不覺悲風感
慨生君不見帝城朱戶高入雲憐才誰是平原
君又不見公侯賓客接流水座中誰是夷門子
人生樂在真相知世態交游何所爲輕投白璧
無能報惟有防身寶劍隨

鼎湖行

孤峰萬仞摩蒼天地軸不與諸山連丹青恍似
浮圖湧浩渺疑同瀑布懸時時一半烟雲籠蹠
丸日月防西東晴空寒雨忽飄灑上有湖波銀
漢通春風菡萏年年長五色花開過十丈朶朶
香生玉女盆洗頭勞捧仙人掌莫云塵世誰得
知花片時隨下界吹相傳曾是軒皇宅靈根乃
自當年遺我聞此事亦已久南幸龍驂忽真有
寶鼎黃昏陰火然至今山鬼殷勤守四壁陡絕

何能于恨無鍊鎖千迴蟠鼎中丹藥還思竊安
得攀游挾羽翰

武林梅雨留孝甫

黃梅雨多江水漲歸舟高灘挽難上勸君維纜
慎勿行且待雨霽江水平臨安青樓雖宋莫歌
喉舞袖聊歡謔何必白下秦淮邊錦囊方擲纏
頭錢安得當時蘇小小一代鉛華矜窈窕人傳
有塚西湖西珠鳳金蟬芳艸迷欲起香魂招楚
夢綠楊腸斷乳鴉啼

贈東林老人項應衢

老人七十好容顏
背村深住東林間
雲垂屏障護茅屋
鹿代稚子司柴關
展練丹青暫不釋
把酒吟哦常不閒
婚嫁之願不足累
此外况計浮生事
置身直在羲皇前
辟俗如過腥羶肆
富貴華豪浪矜喜
老人笑之等敝屣
獨憐我亦同襟期
數訪王潭弄秋水
宣城鳧山雖清幽
老人歲歲休貪游
竇家仙訣空石室
惟餘荒艸野烟愁
故鄉天都近
栖託多少芝壇與珠閣
軒轅丹竈

尚依然竊靈早燒九還藥
老人道骨蟬翼輕自然
相法合長生待予謫
限王喬滿雙雀相期返玉京

謝吳秉之寄贈玉圖書

于闐白璧半寸方
良工小篆琢仲房
書云懷藏五經歲
今日何日拜君惠
開緘入手爛雪花
封侯金印不足誇
長呼西向壽斗酒
雜彩吳絲繫在肘
結交滿眼多豪賢
胡爲置我狂徒前
珍重萬錢非所直
丈夫相知見胸臆
躊躇無物看報

歷代詩選 明正仲夏
君卽挂飛帆九曲雲延平倘遇雙龍劍定許雌
雄與共分

薛家墩酒家贈詹子孺

載書久作姑蘇客孤館閒門絕車跡故里惟君
忽訪余定交一見情如昔牽衣卽出城西遊薛
家墩邊新酒樓樓前種菊十餘畝錦繡爛熳開
深秋賞花沽酒各爲伍談笑喧譁人滿圃嬌羞
少妓學登場徧向遊人賣歌舞王郎意氣真豪
麤衝筵上座呼提壺持螯傾酒驚衆覩誰人能

識高陽徒平生知己良不易盡懽肯惜千鍾醉
不久他鄉又別離須臾翻是相思地斜陽三丈
猶在天欲行爲君且畱連倒巾歸路迎明月來
日還期鋪酒筵

登石門絕頂

石門雙開陡如削菴花曲磴通幽壑謝客崑邊
百丈泉直疑倒瀉銀河落傳聞上有三天池攀
蘿躡磴忘險危雲波翻向空中俯却笑從前下
界窺環池平衍多煙霞願携雞犬卽爲家因可

躬耕飲黃犢還宜煉藥浴丹砂須臾颯颯風雨
至雷電奔轟晦天地若非潛卧蛟龍驚定是探
竒鬼神忌虎嘯猿啼不可留泉聲遙聽轉生愁
回看依舊千峰霽日暮芙蓉紫翠浮

王工部西園席上

六月羈旅東甌城飄搖淫雨未逢晴俗傳因有
毒龍住海潮故挾升天行日日階下水盈尺綠
苔封徧門前跡長戈無計逐驕鱗臥聽簷聲閉
空宅君忽約我西園遊對使歡然一破愁衝泥

那畏勞雙屐不待銀鞍跨紫騮環垣百畝見幽
曠竹榭松亭遠相向爛熳奇花照錦屏參差怪
石堆青嶂雕闌綺幔几席開高鬟隊隊送瑤杯
正當爲雨爲雲日彷彿陽臺神女來鶯歌燕舞
嬌珠翠蘭漿入手休辭醉浮生聚散不可期回
憶金陵昔年事君爲水部尚書郎邂逅識面俱
茫茫淮南卽鼓渡江楫徘徊未暇披肝腸羨君
本是文章伯意氣還能結賓客聯鑣接軫盛如
雲懷刺求通竟朝夕無忌田文希等倫偶然片

諾重千金傾囊揮霍黃金賤散作窮途處處春
解官君已歸田久五株新種西園柳舊家賓客
各星分誰稱烈士知恩否佯笑咨嗟君不聞勸
子拚飲惜離羣從來翟氏交情論世事傷心何
足云

箭月歌

誰剪海犀革一尺如月圓錦絛挂東壁時或生
紫烟上画胡奴馳鏃騎白艸經霜枯滿地貂襖
回頭臂兩弓遠望雙飛皂鵬至此物懷當弱冠

年高插廬子城東邊射罷思瑜塚頭坐常澆綠
酒呼重泉鄗山千里歸鄉國夢寐猶尋大江北
明經折節逐諸生功名欲借青雲力抱書十度
金陵走丈夫豈徒終不偶沒羽徒誇射虎人毛
錐負却穿楊手摩挲此物敝埃塵感慨從前一
愴神今羞短褐成衰醜誰識英雄負氣人

贈魏郡守王陽德

遊人北渡漳河口取道來訪天雄守舊好留余
三日歡甕浮新熟黃梁酒曲欄亭子衙東頭叢

菊脩竹良清幽呼童無用搖大扇火雲六月疑
深秋行觴細話當年事攢眉反云五馬累田園
海上近龍湫懷歸耻隨折腰吏黑髮紅顏君未
老厭俗懷歸乃太早中抱超羣經畧才丈夫自
謀胡草草君家從來盛金紫須知 國恩重無
比只今南北尚烟塵賴君要路翻然起狂生之
言非腐儒尊鱸張翰且躊躇慚余獻賦無媒售
空負明時七尺軀

平高三屯營留別郭建初

閩海才名何赫赫薊門久作將軍客將軍廣結
號憐才紫驪鄣郡迎余來與君長揖驚相顧把
手神交道情素幕下尊前十日歡別離先返都
門路君胡尚爲將軍留萬里邊塞愁深秋西風
白苧吹早裂禦寒誰肯輕貂裘知己相逢良不
易猶有中藏丈夫事羞同阮籍泣途窮仰天別
灑憂時淚咫尺都門還與期黃金臺下來休遲
郭生惟許燕昭識舉世蒼茫誰得知

趙縱江席上聞談龍眠山賦詩定約

歷代詩選
余昔產金斗地接龍眠山早歸江左山未識百
里相近烟雲間託交于君慚已老席上聞君說
山好酒後翛然發興狂持杯北望淮西道山多
嘉樹不可名玉蘭參差千樹生春風岩洞吹香
滿人世真開白玉京誇君耽幽賞多費買山錢
中構十二樓丹篆口探玄期予共結社煉藥成
飛仙金斗難忘舊蹤處來歲定然携杖去兼訪
斯山三月居半榻容身不願餘辟穀采花可供
飽要使腥羶一洗除

金陵逢趙學甫

君昨挂帆渡揚子誰期避后長千里大笑俯視
無人鄉意態翩翩驚滿市塞上予歸忽十年相
看鬢各秋霜然丈夫老醜終短褐低眉俛首庸
流前與君草策數每竒與君談兵亦非時當路
于今惜薦達抱才妄負何由知紛紛南北憤多
事揮割難以鉛刀試莫邪干將倘有神始誇三
尺青虹利斯言斯言胡爲乎長樂橋頭問酒壚
浮生自分機當息常恐囊錢買酒無

歷代詩選 卷五 什八
鬪雞篇贈孫元質

誇哉鶻雞三尺高
冠赤燕支青錦毛
抗肩濶步氣英武
側視耽耽詎如虎
予昔寄生大江北
任俠聲名人盡識
結伴每過倡家樓
雕籠抱雞醉筮篥
羸將皓腕黃金馴
借將腰下裝刀頭
梁園鬪雞盛莫比
中原匹馬遊觀始
肝膽未遇屠沽流
招邀作客諸王子
由此鄆山歸故鄉
爲儒久斷鬪雞場
明經干祿竟難偶
徃年追憶令心傷
紅顏已衰鬢已白
爾雞相逢晚何益
飲啄肯匹

凡雞羣書窗偃蹇垂長翮
孫郎亦有予曹風勸
從年少託爭雄
休學百年栖樹表
前身豈是祝雞翁

送鄭信之遊大梁

南客辭鄉邑遙隨北雁歸
春風寒似臘吹雪濕
征衣書劍過淮水
關山望宋畿
銅鉞舊遊路
花柳正芳菲

詠鸚鵡

歲月藏金屋
雲霄絆綵絲
隨人吳地遠
歸夢隴

山高乃誤能言語還嫌異羽毛何如黃雀侶飲
啄自蓬蒿

寄兄福大宣城

年少囊琴去竟忘頭白歸狂歌謝朓郡飢采敬
亭薇飛鳥亦知倦孤雲何所依已荒松菊徑尚
有釣魚磯

雲間訪董子仁廣化寺

獻策不得意還家秋暮時乃依法王苑再下董
生帷入座諸天宋當窗雙樹披僧厨只蔬飯吾

性正相宜

留別雲間守沂東劉公之姑孰

舊識宋侯賢題書爲我傳一言推國士百畝乞
公田何意還姑孰無錢買輜川謝山隣足賞遺
迹况青蓮

過崇化寺觀梅花水

不見古梅林泉水瀉山陰瑤華空世相寶鏡自
禪心過雲無復影激石乃成音老衲笑相對忘
言茲意深

善權寺別僧

春逢洞口雨，獨坐林中扉。
雲霧客欲去，日晡僧始歸。
飢留野蔬飯，寒借石牀衣。
爲論真空法，渾忘出翠微。

伏虎菴書留喜上人

神僧化已久，荒翳爾能求。
結草惟容榻，栖岩常是秋。
泉聲階下落，海氣窗中浮。
說法時聽虎，穿林任去留。

程若虛過訪

予狂久憤俗，俗亦憤予狂。
漸覺交游寡，門前逕艸長。
寧如狎麋鹿，空自懷求羊。
君胡偶來過，信宿醉壺觴。

道逢李遷之

相見卽銜觴，何時返故鄉。
買田稽山隱，自擬菴源庄。
宅隣王子敬，湖近賀知章。
千古名賢地，高風君莫忘。

金陵留別楊伯海之淮南

交道日云薄，重逢情轉親。
六年京國別，三宿艸

歷代詩選
明王作序
堂人前路仍多約長江又問津淮南叢桂近因
得寄書頻

送劉安元茗溪秋穫

予尋武林約君去茗溪庄晚稼今當穫秋暄尚
未霜茅簷垂橘柚桑徑散牛羊場圃懷清夜農
人對舉觴

贈歸菴少尹徐升之

入境傳廉吏問言驚故人異才憎要路薄祿爲
家貧迂僻休嫌俗浮沈且辱身勝予同學賤短

褐尚縣鵠

方山尋葛仙翁丹井便過定林寺

方山雙闕對秋艸亂芳菲苦以尋丹井因之入
翠微寺古荒過半僧貧住漸稀遺經何代賜持
閱一函歸

寄傅丁戊

君昔辭塵世人稱丁令威欲將身化雀而免薜
爲衣不待千年久胡然萬里歸歸知傳婦訣雲
表與雙飛

臨安秋夕

秋夕閉荒園虫聲艸際喧
半生尚羈旅萬事轉
憂煩微月鑒華髮狂歌開綠尊
醉餘就衾枕夢
與古人言

錢塘江上贈別沈敘甫落第歸四明

囊琴年少者古調是誰傳
欲合今人聽東歸且
改絃窮途秋社後問渡夕陽前
一曲懽爲別相看轉愴然

訪葉應涵武林驛舍

長揖蹕驃騎翻來伴督郵
廊喧百馬隊亭咽一
蟬秋空篋藏奇字寒天賴敝裘
主憐貧似客近
有在陳愁

寄丁明府青田

爾令青田縣東于滄海隣
故交懷有道斗祿不
逢辰雞犬能驚乳閭閻况舊貧
訟閒集多士還
作授經人

送宋子明明府改教漢陽

漢陽郡城裏李白郎官湖只此一區水
勝分千

歷代詩選
里符學宮狎魚鳥
昔藉對菰蒲
莫笑青瑣冷
玆行遂所圖

有客金陵歸
談金子坤

客自金陵返
因之問故人
休言今已老
聞比舊逾貧
室尚無環堵
門多過上賓
空名竟何益
誰一薦沈淪

武林訪唐啓潛禪館

誰云知己易
宜此路行難
隔歲故山別
王門何處千秋偏
禪寺蚤涼警
客衣單且戀
蘇堤上芙蓉

蓉日醉看

張太初劉茂先月夜過訪吳山雷院

高壇閉空宋影散
碧梧秋客每宵爲
約月臨山乃幽
雁呼初北至
潮響上西流
此景眷難寐
斗杓低絳樓

送慧光上人之天池訪玉芝上人

聞舜鏡湖水不出
天池峰巖以千花
獻雲將萬竹封
半空時振錫
下界只聞鐘
法侶求傳偈
冰霜閱一冬

癸亥除日項德隆携酒過訪

終年空谷裏車馬客非頻誰謂當除夕柴門有
故人自携雞黍至乃見結交真仍恨畱難住閒
宵共候春

潭上園種樹

數畝村西地潭東高岍臨結廬是何日種樹且
成林雲過雨微潤鳥啼春漸深願言自長養莫
負荷鋤心

朱夷白吳之仲董子仁過訪長干寺

淹留無酒竿蔬飯對雙林借榻隨僧戒知君總
素心雲房究西旨寶塔轉東陰仍有探幽興南
岡煙霧深

真州訪朱仲開明府田舍

買田東負郭環堵俱環流潮信通揚子山雲對
潤州雞豚滿場圃樵牧返林丘綠酒酣新秫忻
君歌有秋

武林送許琴岡西還

歲暮日陰陰相懽在武林言旋故鄉客因感倦

游心帆影雲中遠江流雪後深天涯那忍別况
復是知音

三僧持齋供來訪三茅觀

七寶山頭觀諸僧物外盟忽持齋供至言慰旅
人情晚日斜留座秋山淡入城翻于煉藥處相
與話無生

燕市酒壚曲

白髮唾多事狂游入上都敢懷執轡者可有賣
漿徒何處容彈缺常來獨倚壚悲歌稀酒伴不

是一錢無

宿喜峰口墩樓

萬里秋風暮華夷到此分幾年望紫塞今日宿
黃雲片月臨關見孤軍擊柝聞燕歌爭勸酒強
飲不成醺

燕京留別舊尹林公

何意逢燕市難忘在邑時賢侯猶後諾賤士負
相知朝已爭名晚在寧免世疑故山樵獵侶日
日繫歸思

過桐江吊謝臯羽墓

煙波七里瀨兩岬青山分人惟知釣侶我獨哭
參軍樵牧侵無禁英雄幸有墳平生讐未報日
暮結愁雲

過冶城有懷鄭道士東儒

經臺圍綠竹丹竈封白雲對此不殊昔悠然長
憶君誰知崔上侶早有山中墳自喪紅顏改瑤
函空所聞

過亡弟文卿山庄

重過青山麓寒風日欲曛常持意氣合今忽死
生分獵尚遺黃犬栖何負白雲爲歌長恨曲泉
下爾能聞

過武康贈孫貢甫兄弟

難兄得難弟苦吟俱已工常客封禺縣因懷沈
約風况兼山水異近與故鄉通來訪當殘臘同
歸冰雪中

社日同姪士龍臥病

奄李方爭艷春來已半過經旬斷來跡一榻抱

微疴藥物誰能問貧居爾奈何楓林南近社知
怪醉人歌

武林寄方禹績職方山海關

春風湖舸聽啼鶯佩劍懷君奉使行山海千秋
稱要鎮關門一道拱神京羽書宣府時常接
戰馬遼陽久未鳴那用旌麾惟鎖鑰閒居賦草
九邊成

武林逢友

虎額虬髯烈士身敝裘羸馬走風塵平生結客

黃金盡此日傷時白髮新歌舞乍醒梁苑酒湖
山重醉武林春佩刀暫惜霜花暗匣裏哀鳴尚
有神

訪方元中戶部不遇

省郎第宅城南曲爲愛幽隣古寺西身在市朝
成吏隱時因休沐借禪棲還從何處看山色每
是忘歸信馬蹄明日重來知候客六朝遺跡問
新題

春社前三日送兄惟明之淮南

山村賽社濁醪醇分取餘觴勸醉頰弱柳初黃
難繫馬嬌鶯新轉似留人去程姑浦逢寒食到
日雷塘屬暮春故舊相知如有問長竿今已學
垂綸

寄莊玄育

雲間久別龍盤浦夢裏猶能繫所思江海不愁
尋遠道乳離無奈失前期生平結客從逢汝塵
世知音復向誰昔許為予門欲杜至今徑草果
垂垂

吳山秋晚

有客閒居無奈閒為看秋色一躋攀百盤細艸
斜陽路三曲澄江隔岫山野寺最宜紅葉後孤
鐘偏在白雲間賞心又得逢僧話此後幽期數
往還

鳳山懷古

逢僧下馬說前朝南渡陳橋王氣消山換舊宮
禪寺在艸荒新苑市民樵將軍不遂黃龍飲胡
虜先傳白雁謠更有諸陵埋恨處冬青歲老已

全凋

贈吳千戶撫諭虔南諸洞歸武林幕府

虔南諸洞諭蠻歸艸木皆知少保威章貢水巖
迎去馬博羅山色照征衣當關能仗孤軍入納
款無勞一箭飛幕府少年多自負讓君此日拜
恩輝

臨安酒家送吳子充還金陵

官亭西望路迢迢楊柳霜黃葉盡
去住青衫
俱是客攀留綠酒肯相饒故鄉半
長洲苑流

寓殘年白下橋兩結社中諸友在寄言豪氣已

全消

吳山月下聞雁

九月遊人未授衣空山驚聽雁初飛夜寒哀響
朋呼應月澹連行字影微朔塞黃雲鄉國遠吳
田白浪稻梁稀南來到處彎弧滿好近雲霄慎
禍機

舟泊嚴灘

桐江西接歛江分綠樹環祠鎖白雲釣石舊存

非屬漢客星上應獨傳君詩人近對方干島烈
士誰知謝羽墳欲薦三賢舉水藻千山煙雨一
猿聞

武林諸少年席上送沈娃還金陵教坊
一時年少餞行觴蘭氣淋漓濕舞裳誰意莫愁
還白下元非蘇小住錢塘絃歌有譜傳流寓聲
價從來重教坊菴葉渡頭風景殿西湖画漿可
能忘

過女禪精廬舊武林歌妓

一菴深鎖小紅墻玉貌嬋娟是法王漏滴蓮花
初出定聲圓金磬正焚香畱分齋供珠林午乞
寫心經貝葉光此日性真俱朗徹他生須信見
西方

宋禮部期訪長干寺送別以雨阻命僕馬
來迎辭謝

出郭相期一論禪僧厨已費買齋錢壺觴翻促
潮溝去僕馬空令塔廟旋臨別隔城妨凍雨託
交長路逼殘年憶君寒夜難成寐擁衲焚香對

佛筵

金陵送無絃上人印藏經還成都兼寄毛

太史青城

朱雀橋頭對黯然石牛寺在錦江邊南來苦乞
千函佛西去遙看萬里船水峽啼猿殘臘日松
窗挂錫仲春天峨眉居士叅真性定上吾師說
法筵

莫愁湖

莫愁湖在石城邊湖上誰人載酒船羅綺不回

長夜夢鴛央還見竝頭眠荷花照日嬌紅粉萍
葉凌波散翠鈿幽恨欲傳腸斷曲琵琶新譜入
鴟絃

東甌逢施將軍引之

新營閩越中丞府爲簡驕驤上將才瘴霧定知
清海返朔雲曾是射鵬來蜃樓常對龍旂結鮫
室傷臨虎帳開釃酒何妨橫槊賦鏡歌無用鼓
頻催

薊門馬上望長城

秋色偏傷遊子顏，雕弧在臂月雙彎。
逢人漫問雲中路，按轡斜看口外山。
驕虜邇來消羽檄，壯游無奈夢鄉關。
霜前肯後隨陽雁，相約江淮伴爾還。

燕京劉念菴席上留別社中諸友

壯遊入塞卽言歸，南客遙隨北雁飛。
裘馬正酣燕市酒，風塵不上楚狂衣。
難依時貴輕彈鋏，久託名山戀采薇。
別後社中休索莫，新詩肯使寄人稀。

壽松驛別梅禹金與叔時甫兄思振兼懷沈君典未至

夕陽楓葉正紛紛，送客城南忍別君。
九日且歸鄣嶺社，雙林還約敬亭雲。
持螯秋成蟹正美，嘶馬風生酒易醺。
驛舍後來遺故事，新詩獨少沈休文。

寄汪仲淹北歸卧病

珊瑚遠寄赤螳螂，抱病驚聞返故鄉。
一別縱酣燕市酒，千金難授越人方。
園林今遂娛親樂，裘

馬都忘結客場摩詰禪談輕藥物期君來訪朝
川庄

送謝性卿虞汝孝還閩兼寄武夷君

新知邂逅情難別濁酒淹留勸不醺江左爲傳
緱嶺客閩南一問武夷君函遺蛻骨仙常化觀
閉昇真世罕聞俯視幔亭仍有約虹橋續架入
青雲

漁梁留別姚氏諸君

姚家草閣遠塵囂一月留人暑漸消南望宣平

鍊丹竈東隣太白望仙橋千林僧寺藏鐘磬一
道漁梁瀉海潮郭外多憐幽事集往來何用待
招邀

春夜定光寺對月喜雪

石鼎僧烹雁宕茶敝裘寒重借袈裟鳴鐘正對
初弦月說法還驚亂雨花白玉京藏仙客榻黃
金地變梵王家肯隨塵世春宵夢劫洗恒河不
盡沙

城東逢吳虎臣

隔歲秦淮繫所思聞君酒戒病因持城東猶見
當壚飲道上如前荷鋪隨黑髮全忘霜信早青
錢已別醉鄉遲獨醒結伴王潭叟休逐酣歌市
上兒只猶此數語及兩外白王京燕山客醉黃
過冶城宮有懷王沈二鍊師身即鎗五樓
九曲朱廊隔世氛冶城每過每思君棋枰猶託
青松石丹竈常生白晝雲海上定騎雙雀去人
間早寄一書開問知弟子遺瑤匣試啓元符太
上文富東初太白望山餘下林即寺地動然一

楊卿卿席上醉後賦贈

自昔武皇巡幸後冠年結客滿都城漸稀粉黛
羣花艷誰按金元樂府聲燕子敢懷逢盼盼紅
兒何復見卿卿錦纏散盡頭今白猶識周郎一
顧名

早春雪後送吳子善之淮南

暫繫雲帆雪後天載將書劍興翩翩灘頭七夕
銀河瀉岍曲千峰玉壘連蘇家堤柳綠已染館
娃宮菴紅欲然淮南一路春光好肯借隨場買

醉錢

板橋留別楊氏兄弟

君家谷口開何代萬疊山連白嶽西雞犬相聞
同入隱桑麻一望各分柘百盤澗水雲常護十
里松陰路欲迷臨別仙奄聞有鳩難忘携酒再
攀躋

彭城訪燕子樓

彭城陌上落花塵燕子樓空碧艸春紅粉終身
懷舊土不知門客有何人

答金在衡訊歸

秣陵宮樹葉初飛客路何人爲授衣我亦驚秋
同海燕故鄉端在社前歸

金陵送元蠡遊揚州

正好秦淮醉玉缸淮南山色隔春江知君更有
吹簫興月下銀橋十二雙

方生子瞻出美人童銀兒彈丸戲贈

送郎挾彈出平康手作金丸賽夜光若過橫塘
秋水上莫教容易打死央

蘇園席上聞吳學歌有懷主人蘇君敏

舊時賓客復經過見爾還令勸酒歌歌罷玉觴
愁不飲花前雙調怨聲多

舟過陸州謝鄉人余五郎送酒

新醪香艷石榴花贈得雙尊不用賒爲謝客愁
消得盡殘年一路醉還家

維揚送吳秉之還家

同來作客爾先還唱送清尊綠水灣記得隋家
多舊事維揚猶有未登山

送明源上人往住孤山兼呈社中諸友

高僧招得住孤山梅雀畱人定不還早買湖田
供一鉢莫教行乞到人間

再送象安北遊

遊人比去雁南翔上馬還畱勸一觴到日黃金
臺畔路寄將雙淚哭昭王

答舊令可山熊公寄書

白璧黃金不當恩獨將國士許王孫徒令老去
懷知己彈劍悲歌望薊門

歷代詩選
悼亡詩爲余德音賦

苔碑綠字冷松門錦帶珠鈿舊物存鎖篋莫教
容易散蛾眉還有未消魂

寄金陵少妓楊卿卿徐翩翩兼問燕子樓

老妓趙燕如

菴葉菴根古渡頭中原樂府變吳謳教坊舊譜
憐誰在白髮蛾眉燕子樓

石斗詩贈吳從吾

維揚君久住爲家石斗持歸向客誇二十四橋

常醉月玉簫聲裏夢瓊花

寄楊鏡揚州

年來世事多堪笑意氣全稀結客場李白黃金
三十萬不逢今日散維揚

石倉十二代詩選

五集卷三十九 終

歷代詩選
悼亡詩爲余德音賦

苔碑綠字冷松門錦帶珠鈿舊物存鎖篋莫教
容易散蛾眉還有未消魂

寄金陵少妓楊卿卿徐翩翩兼問燕子樓

老妓趙燕如

菴葉菴根古渡頭中原樂府變吳謳教坊舊譜
憐誰在白髮蛾眉燕子樓

石斗詩贈吳從吾

維揚君久住爲家石斗持歸向客誇二十四橋

常醉月玉簫聲裏夢瓊花

寄楊鏡揚州

年來世事多堪笑意氣全稀結客場李白黃金
三十萬不逢今日散維揚

石倉十二代詩選

五集卷三十九 終

唐詩選

石倉十二代詩選

五集卷之四十

白陽集

大明

長洲陳淳著
後學曹學佺閱

古石軒獨坐

晨興頗閒適
獨坐看古石
最憐風雨深
四面流光澤
地迥塵囂絕
院靜無行跡
惟是兩青禽
時來探孤客
飛鳴不忍去
真是慰乖隔
那得同心

人相淹話水蘂

送子齡姪秋官之南都

歷代詩選 卷之四
愛爾吾家彥溫溫玉有情琢成瑚璉貴登作縉
紳榮父母膺新敕班列舊京法曹秋可擬耿
介石宜屏政考三年績書回兩日程御堤容走
馬官柳帶啼鶯事簡知雍穆身閒賴 聖明心
懸紅日近日送白雲平旣得承顏樂寧忘補袞
誠須留秣陵酒相與盡平生

上巳九達蔡子邀集治平寺以天朗氣清

惠風和暢賦詩余得惠字

谿柳拂晴昊新波渺無際蘭舟蕩春和尋盟集

交契未藉河朔飲聊褰山陰襖良晤旣已適湖
山矧佳麗幽討陟梵宇花竹照游袂柔條散閒
風醉顏灑清惠後會當何時勿使年光逝

遇履約王子昆仲谿樓畱酌書贈

久滯西城遊塵鞅苦羈縛願息紛若慮言展暫
時樂行行度飛虹遙見水雲閣閣中何所有雙
璧光錯落解衣北窗下涼風逗踈幕暘哉洽歡
笑久矣慰離索對月激清響秉燭動春酌歸意
不可畱荒城鳴夜柝

湖上初扣停雲館值王氏兄弟漫賦

湖上彌旬雨乘波看竹來短籬分樾蔭香徑鎖
莓苔脫屐窺清闕虛襟闕草萊風流逢俊逸詞
翰媿高才一笑慈心賞相看古道回墨浮玄玉
研茶覆碧磁杯晝永真成歲天陰正熟梅明將
返歸棹臨別重徘徊

風神憩葑溪館

偶從湖上來爰憩溪雲館館下有黃花尊中酒
復滿罄我同心言不覺晷就短秉燭底須卧聊

爾謝清款

田舍書懷

平生無能事詎敢望遭際世業在農桑愧不閒
樹藝悠悠醉與夢徒使歲月逝年來覺轉衰筋
力欠榮衛煩襟無由滌竹間自行憩遙見荷鋤
人羣作靡留滯願偕二三子朝夕尚勗勵

書石田圖上

圖畫物外事好尚嗤吾人山水作正艱變幻初
無因閉戶覓真意展轉復失真石叟操至理弄

歷代詩選 明陽遺集 卷四十一
筆輒入神小子亦何言往往拜後塵堂上見匡
廬把酒空逡巡

題畫

九月一日天氣清木犀花發秋雨晴吾生好作
新圖畫紫峰落處開雲屏回頭宛見蒼石厓幾
家雲木藤蘿青岳麓遙橫洞庭野瀛洲或似芙
蓉城憶昔曾看穉川畫只尺萬里江湖曠此圖
模寫極變化烟霧滿眼令人驚小艇春生小篙
綠遙峰露出雙尖明悠哉襄陽龐居士髯毛雪

白猶躬耕吾生胡爲苦羈絆讀書落魄未成名
何當捐佩事幽討松間坐聽風雨聲

贈山中人

我生踪跡陳湖上湖水天光相蕩漾朝涵海日
暮山月披覽神情亦夷曠有時舉首見西山萬
疊煙雲指顧間對酒令人幾惆悵此身未得常
躋攀山中有人能樂山日夕與山爲往還看山
嶽飽已忘趣如我看湖爲等閒山色湖光各自
好謝君未許專尋討我今亦作山中人竹杖相

携上蓬鳥

驟寒

望秋先挾續筋力已應微况復風信急那能出
竹扉兒童將進酒媪嫗勸添衣兀坐如枯衲其
心守敝幃

薄暮

薄暮江天暝令人一慘然野烟隣曲竈遠火渡
頭船刻日辦王稅帶星鋤白田吳農辛苦極若
個解相憐

雨

湖天昏慘慘正是雨來時盡道催寒信誰知動
客思一林黃葉圃半畝敗荷池滿地皆秋色蕭
條不可窺

十月九日晴暖

十月暖如春農家作事頻稻畦耨菜麥蔬圃伐
荆榛苦蓋全無暇裁縫亦未陳朔風如欲起莫
便及窮民

有感

老覺今年甚愁懷與病俱兒曹半凋落事業總
荒蕪倦借藤床臥行教竹杖扶不須存妄想閒
適是良圖
十日冬日有懷
忽忽歲云暮江鄉覺倍寒飄風撼籬落凍色慘
林巒燕坐固已好索居良獨難不知何處所相
與勸加飧

往白易山

宵宵橫塘路將爲汗漫遊人家依岍渚山色在

船頭舉目多新宅經心只舊丘孰知衰老日獨
往更無儔

過橫塘有感

橫塘經歷慣今日倍傷神風景依稀處交游宋
寞春歲華忙裏老人跡夢中陳壽天元由命誰
能謀此身

山居

山堂春宋寂學道莫過茲地僻人來少溪深康
過遲炊粳香入筯瀹茗碧流匙從此逍遙去長

生未可期

靜寄菴獨坐

眼前新綠徧春事
覺闌剛燕子能羞
羽鶯花亦破顏
雨來風滿屋雲去日沈山
坐此清涼境義皇相與還

贈金溪隱

溪曲隱君家疎籬帶郭斜
繫船人問字窺食鳥穿花
架上書難帙尊空酒未賒
偶來佇立久車馬自前沙

春日城南夜歸

偶作探春遊歸來日已收
寺中鈴語塔城上柝鳴樓
欵曲總青眼風流空白頭
何時發幽興重繫木蘭舟

同黃勉之看陸氏海棠

吳門三月暮遊興及芳辰
花覓城東路林逢社上人
檻前畱萼晚酒畔奏聲新
更是珠璣出能令滿坐春

耕

平生不出位，畝畝足徜徉。春雨分簑笠，秋雲卷稻梁。茅柴酒易熟，野菜飯偏嘗。但得無拘束，優游樂壽鄉。

歸湖上

避喧來故里，風雨似多情。更覺襟懷好，還欣艸木榮。老農各布穀，好鳥解呼晴。已分老丘壑，奚圖身外名。

夏五月久旱喜雨賦此

五月炎光熾，池邊石齒浮。澆花妨汲井，洗硯費

乘舟樹杪蟬聲澁，相間燕語柔。屋頭雲漠漠，飛盡到荒丘。

春日友人過飲

春日偶閒適，幽人過我家。梧桐半堦影，楊柳一簾花。老圃能拖筍，山妻會煮茶。虛堂弄書冊，談笑夕陽斜。

六月望日歸田園

市朝喧劇甚，樗散豈容棲。爰發城邊棹，言歸水曲畦。月華當席滿，雲影度林低。更是逍遙處，清

涼在竹西

夜雪與葛閒月對酌

獨臥滄江上風高雪復深故人能對榻時事亦
關心酒盡平生話詩成此夕吟不妨頻易燭千
載繼幽尋

壬辰元日留客

白頭逢歲旦感慨只高眠旭日簾櫳裏春風楊
柳邊食貧無好節占兆是豐年野菜供賓客盤
殮不費錢

入城舟泊月洲亭

至夜發扁舟來尋舊月洲遠山留夜雪高堞抱
寒流來往悲遊子悠揚喜浴鷗暮年心跡倦一
醉復何求

秋日宿溪雲堂

秋到白蓮寺蕭森渾可憐雲堂搖燭焰石壁弛
琴絃澹語三更雨清心一篆烟遠公知客倦掃
榻贈高眠

棗林晚泊

上國引征袂扁舟泊野橋
棗林飛暮雨冀水送涼颺
輕鷺翻沙淺長雲出塞遙
鄉關在何處一望旅魂消

對松

軒前無雜植松頂拂天高
春暖吹金粉秋深落翠濤
嘯歌淹日月琴窟伴蕭騷
門外塵氛滿無煩染布袍

由田舍到城南州堂

短棹猶未收行行逐去流
碧雲偏媚晚黃葉已

呈秋野市懸新旆危城依故樓
入門塵土積呼酒送閒愁

樓上翫月城南金氏

月色真可愛樓頭分外明
况當秋夕永仍是望時
盈人去市聲斷更深
漏水傾共君惜今夕回首望吳城

夏日姜子忝仁過舍

驀然增勝事好客到吾廬
下榻喜何極移尊典有餘
晚涼生竹塢新水溢花渠
風月元無價山

辰良未虛

資福菴次高長洲韻

竹院收寒雨石門林更深
 偶來尋勝地兼得淨
 几襟燭焰熒宵几秋聲帶月砧
 空庭涼思足絡
 緯雜清吟
 自愧非高隱
 開尊對夕暉
 僻間聞蠹落
 林缺見
 帆飛白髮被肩短
 青蔬入口肥
 孰知行樂事亦
 復與心違

雨中答客

霖雨兼春夏江湖水漫流
 既妨農圃事空抱米
 薪憂避暑欲高舉
 除煩思遠遊宿逋酬未盡
 揮汗畫滄洲

訪周道夫湖東艸堂

湖上春如許尋盟到艸堂
 要知形勝地還是水
 雲鄉席上浮生話燈前
 此夕觴忽然風雨作應
 是阻歸航

雨後入城

雨後理舟楫晨興指葑溪村墟行處有樓閣望
中低霽景應難寫秋容自可題起來逢底立山
色在城西

又

十月催冬信今年何太煩風聲疑破屋雨勢欲
傾垣病骨需綿具詩脾憶酒尊村村未收穫應
亦念朝昏

道通新莊

白頭憐我健兀兀自窮年靜日看雲臥清宵夢

草還茅堂一水隔明月兩庭懸坐久渾無賴燈
花空復然

亭上漫書

亭子雖卑陋偏能著老翁湖山明几席花竹影
簾櫳臘去寒猶在春回景自融繞村啼百舌如
坐管絃中

清明寄友

清明寂依舊旅館正思君畏寒猶宿火移坐盼
斜暝春色計半去江聲來獨聞因念睽離地悠

悠隔暮雲

與宗伯昭遊竹堂

寂憐精舍好白日自閒庭客過分齋供龍歸借
鉢停砌陰苔泛綠春老樹團青何物酬玄討濡
毫紀素屏

亭下 夏日宿大雲菴

勝地城南路豈遙漣漪周匝浸僧寮投閒笑我
常占榻貫藥從人不過橋長日坐來真似歲萬
緣消盡欲同趨門前車馬應無數踏徧紅塵未

許招

七夕

小憩停雲木榻前閉門深靜日如年試酬佳節
陳瓜果聊詠閒情弄簡編拂坐茶香人醉後漫
山雨氣稻花天清涼不覺遲歸去回首城南靄
暮烟

夜坐

獨對寒燈夜不眠幾多心事視屏邊頭顱尚在
終何補况味如斯亦可憐滿眼兒曹誰奮發百

歷代詩選 明陽道復
年門戶強周旋從今只學蜉蝣去莫問修真與
叩禪

與周子相葑溪舟中作

朝來出郭喜同舟渺渺湖天是熟遊東去有家
雲繞屋春深極目艸連洲酒杯聊爾隨心罄詩
語何妨對景酬回首廿年多少事倚篷無語對
沙鷗

蔣元佐解館詩以志別

奕世交遊舊契家大家筆研作生涯竹西茅屋

三年館湖上扁舟此日槎奇字尚能容我問壯
懷端復許誰誇須知後夜相思處月照窗前梅
樹花

東天王寺晚酌

隨伴送春尋野寺山門宛轉遠精廬庭中好竹
已無數龕內老僧還自如語別昔年誠是幻醉
來今夕未應虛高歌且伴巡簷月世態浮雲任
卷舒

虎丘

歷代詩選
明陳道復
卷之四
古
梵閣憑臨入紫霞
凭欄極目渺無涯
天連淮海
三千里烟鎖吳城
十萬家
南北舟航搖落日
高低丘隴接平沙
老僧不管興亡事
安坐蒲團課
法華
畫牡丹
花發憐多態
豪華許競誇
一枝山館裏
猶可醉
琵琶

畫菊

重陽纔過日
秋色自貧家
獨坐饒清供
垂簾影

菊花

早春漫興

郊居聊爾度年華
臘去春來未足嗟
獨是眼前
無景物峭寒猶自勒梅花

又

立春已過一旬來
庭畔梅花猶未開
莫怪主人
無酒典等閒那忍獨持杯

野塘爲僧端本作

隔岼蘼蕪生碧浪
臨風楊柳拂青絲
分明一段

瀟湘意都屬閒僧獨坐時

對雨嘆

那堪終夜雨滂沱回首江鄉奈若何想見水痕
高數尺野田隨處有新波

題畫

日澹風高木落時玲瓏瀟灑竹枝枝山人近得
林泉意一段幽閒也自知

漫興

野人無事只空忙一卷離騷一炷香不出茅菴

纔數日許多秋色在林塘

聞鳥

老病年來懶入城幽居偏得稱閒情可憐日出
還生事枕上先聞啼鳥聲

又

重重烟樹鎖招提野客來尋路不迷纔過板橋
塵土隔落花無數鳥爭啼

晚出葑溪歸湖上

葑溪東去水悠悠楓葉蘆花滿地秋回首漸看

山不見祇餘新月伴孤舟

抵舍

城居日日苦諠囂忽憶東籬不用招童子何能
偏解事菊花分近讀書寮

畫月下白蓮

愛爾方方半畝塘蓮花出水送清香可憐明月
多情思深夜還來照淡粧

遊越

吳淞江上放船時秋色撩人不自知行到萬松

山下坐潮聲先在隔林西

無題

兀坐茅簷興自高蘭蓀奕奕照青袍却憐不解
農桑事日暮鈎簾讀楚騷

畫芙蓉

太湖石畔曲池東幾樹芙蓉立晚風對景自憐
秋興薄吟來詩句未成工

題畫

輕鷗飛鷺漫沈浮未晚停橈紅蓼洲明月滿船

君莫笑有風波處不垂鉤

嚴壽

五集卷之四十

終

林與蕪似來前日未及工



五坐

無

山平坐



程